

274.5321


T179d

cop. 2

~~K-5~~
2860

y-2-53

4.4.50




274.5321

T179d

Rare Book & ^{مخطوطات} cop. 2
Collections Library

11.12.84p.



Digitized by the Internet Archive
in 2012 with funding from
University of Illinois Urbana-Champaign

<http://www.archive.org/details/hieronymitartaro00tart>

HIERONYMI
TARTAROTTI
ROBORETANI

*De origine Ecclesiæ Tridentinæ,
& primis ejus Episcopis.*

DISSERTATIO.



VENETIIS,
MDCCXLIII.

APUD DOMINICUM TABACCO

Superiorum Permissu, ac Privilegio.

THE
TAKTAROT
TO DOBLET

By the
Author of
The Taktarot

1842



THE
TAKTAROT

By the
Author of
The Taktarot

279.5321
T179d
op. 2
CELSISSIMO, ET REVERENDISSIMO VIRO

TRIDENTINORUM
EPISCOPO,
AC PRINCIPI
DOMINICO ANTONIO E
COMITIBUS A THUN.

HIERONYMUS TARTAROTTUS
FELICITATEM.



*Tridentinae Ecclesiae origi-
nes evulgaturo, nullum
mihi tuo Nomine aut illustrius, aut o-
ptabilius occurrere sane poterat, CEL-
SIS-*

* -2

SISSIME PRINCEPS, quo frontem opellæ hujus meæ, aspectum hominum subitura, exornarem. In hoc enim ipse mihi satisfieri quodammodo sentio, qui quum jampridem optassem publico aliquo officii genere testatum omnibus quantâ animi reverentia te colam, & observem, opportunitatem tandem sum natus singularis illius studii, voluntatisque aperiendæ in te meæ. Neque vero bos in me veteris observantiæ atque obsequii motus excitavit jam nobilissimum Genus tuum, Majorumque tuorum gloria, nullo unquam tempore interitura; quorum quidem res pace, belloque gestæ, & præclara cum in Ecclesiam, tum in Rempublicam merita, non est hujus loci commemorare, & si maxime esset, minime id pateretur modestia tua. Hæc tibi cum multis communia, proindeque vix tua dicenda, licet te maxime illustrent, ac splendoris eminentia quadam supra ceteros collocent, non ea tamen sunt, quibus magnopere commoverer.
Quod

Quod me præcipue in tui admirationem impulit rapuitque, insignes fuere, ac permultæ præstantissimi tui animi doctes, Justitia præsertim, qua mirifice subditorum concordiam, tranquillitatemque foves; & Religio, quæ tum verbis, tum exemplo rem Christianam jugiter ita promoves, ut qui præcipienti obtemperare detrectat, præeunti obsistere ac repugnare vix possit: quarum altera te Principem tuis carissimum facit, altera vero Episcopum & gregi, cui præes, & universo Christiano orbi sane verendum. Hæc, quæ cuncti admirantur, ac prædicant, quam mihi ob oculos perpetuo essent, & contemplerer attentius, ut vehementissimo quodam amoris impetu me semper in te pertraherent, ita facile eo perduxerunt, ut Ecclesiæ illius monimenta, cujus tu Caput es, præcipuumque ornamentum, editurus in lucem, ea non alio quam tuo amplissimo Nomine condecorarem. Ad hoc etiam accedit, quod quum in receptas vulgo opiniones insurgere ani-

* 3

mus

mus fuerit, easque ad trutinam revocare, metuendum sane fuit, ne violatæ antiquitatis reus agerer, ac tanquam domesticarum traditionum osor acerrimus palam exploderer, traducererque. Sunt enim homines, qui suos errores adeo perditæ amant, ut non modo pro iis, tanquam pro aris & focis, digladiari paratissimi sint, verum etiam eos omnes oderint, atque aversentur, qui medicam adhibere manum tentaverint. Hinc ad arma conclamatur, turbæ excitantur, omnemque lapidem movent, quo invidia in illum conflatur, qui fulgentissimo veritatis lumine mentis eorum caliginem depellere nitebatur. Scilicet, ut recte Horatius ait:

Qui servat invitum, idem facit occidenti.
Ab hoc hominum genere ego, qui voce, ac lateribus minime valeo, obruar quidem penitus atque conculcer, nisi quis auctoritate, potentiaque conspicuus pro me in acie stet, obtrectatores huiusmodi in officio contineat, tandemque cogat veritati aures patienter præbere. Columus

mus enim & nos vetustatem, & religiose columus, sed vetustatem, quæ pura sit, atque ab inscitiae maculis defæcata; neque splendido eo titulo donandum putamus quidquid quo jure, quave injuria litteris olim consignatum fuit: Rem ad fontes revocare, veterum testimonia diligentius excutere, atque conferre, recentiorum fabulatorum commenta detegere, omnia denique ratione metiri, id demum est vetustatem colere, ejusque jacentem gloriam ac pæne extinctam sublevare; adeo ut qui rem mature perpendet, profecto facile animadvertat, plerosque omnes qui se pro antiquitate stare tantopere gloriantur ac jactant, antiquitatem potius oppugnare, atque subvertere. Quare hoc etiam nomine tibi potissimum, **CELSISSIME PRINCEPS**, opella nostra hæc debebatur, qui veritatem primum amplecti, deinde propugnare & possis, & velis, profanique vulgi clamores summa animi constantia

*tia compescere. Te igitur summis adit
Dissertatio nostra, vel tanquam Judi-
cem, qui pro ea qua est sapientia, ejus
causam optime dijudicare valet, vel
tanquam Patronum, qui auctoritate
qua pollet maxima, eam adversus reluc-
tantes strenue vindicare ac tueri potest.
Primum hoc est in eo genere studio-
rum nostri laboris specimen. Quod si ti-
bi pro tua singulari humanitate, at-
que erga bonas litteras amore, gratum
fuisse intellexero, ad plura, & majora
stimulos certe addes; neque prius a
meditando, scribendoque desistam, quam
reliquam Tridentinorum Præsulum se-
riem eadem ratione fuerim persequutus.
Percurre igitur hilari fronte, CEL-
SISSIME PRINCEPS, Ecclesie
tue exordia, ab insipientium sæculorum
nebulis commentatio hoc nostro purgata;
ac si tibi, quod magnopere exopto, pro-
betur sententia nostra, judicique tui,
quod plurimum apud me semper valuit,
testimonio firmetur, favore quoque ac
pa-*

patrocinio tuo liceat adversus pervicacium hominum impetus eandem muniri ac roborari. Vale, & me inter cultores tui Nominis studiosissimos libenter excipe.

*Venetius VIII. Idus Apriles
MDCCXLIII.*

Num. II.

NOI REFORMATORI

DELLO STUDIO DI PADOA.

HAvendo veduto per la Fede di Revisione, & Approbazione del P. Fra Paolo Tommaso Manuelli Inquisitor di Venezia nel Libro intitolato: *De Origine Ecclesie Tridentinae, & primis ejus Episcopis Dissertatio*, non v'esser cosa alcuna contro la Santa Fede Cattolica; & parimente per Attestato del Segretario Nostro, niente contro Principi, & buoni costumi, concedemo Licenza a Domenico Tabacco Stampator di Venezia, che possi esser stampato, osservando gli ordini in materia di Stampe, & presentando le solite Copie alle Pubbliche Librarie di Venezia, & di Padoa.

Dat. li 26. Marzo 1743.

(Z: Alvise Mocenigo 2. Riformat.
(Zuane Querini Proc. Riformat.
(

Registrato in Libro a Carte 2.

Agostino Bianchi Segr.

1001

C O N.

CONSPECTUS DISSERTATIONIS.



I. Pincii ingenium, & eruditio. *II.* Ejus opinio de origine Ecclesiæ Tridentinæ. Item Ugbelli, & Gentilotti. *III.* Tridentina Ecclesia ortum habuit post quartisæculi dimidium. *IV.* Qui putant ab Hermagora D. Marci discipulo, primoque Aquilejensium Episcopo fundatam, id minime probant. *V.* A quo inuenta sit illa opinio. *V. I.* Probatur secundo Auctoris sententia ex incerta D. Marci ad Aquilejenses prædicatione, quæ prorsus commentitia esse ostenditur adversus Bernardum de Rubeis. *VII.* *VIII.* *IX.* *X.* *XI.* *XII.* *XIII.* *XIV.* *XV.* *XVI.* *XVII.* *XVIII.* Incerta pariter ætas Hermagoræ, & Episcopatus. *XIX.* *XX.* *XXI.* Probatur tertio Auctoris sententia ex difficultate primis illis temporibus Ecclesias constituendi. *XXII.* Solvitur difficultas ex Ecclesiastica Galliæ historia, & *SS.* Patrum auctoritate petita. *XXIII.* Probatur quarto Auctoris opinio ex collatione Tridentinæ Ecclesiæ cum finitimis. *XXIV.* Sabionensis Ecclesia sæculo quarto inclinante, nondum constituta erat. *XXV.* Contrariæ sententiæ præcipua fundamenta infirmantur. *XXVI.* Probatur quinto Auctoris assertio ex conditione Tridentinæ Dioceseos S. Vigiliæ temporibus. *XXVII.* Postremo eadem probatur auctoritate Actorum S. Vigiliæ. *XXVIII.* Futilis Pincii distinctio ex sufflatur. *XXIX.* *XXX.* *XXXI.* Enodatur difficultas ex Chorepiscopis, & Missionariis petita. *XXXII.*

Item

Item ex historia Ecclesiastica Scotiæ. XXXIII. Verosimile est Jovinum primum fuisse Tridentinorum Episcopum. Secundus fuit Abundantius, tertius S. Vigilus. XXXIV. Qui post Jovinum in vulgaribus Catalogis usque ad Vigilum numerantur Episcopi, non sunt commentitii, sed transpositi. XXXV. S. Vigili scripta. Ejusdem Epistola ad Simplicianum Simpliciano Mediolanensi Episcopo scripta est, contra atque senserunt Natalis Alexander, & Philippus Labbæus. XXXVI. XL. Quo anno passi sint, & quam ob causam tres Martyres Anaunienses, contra eundem Alexandrum. XXXVII. De S. Maximo Taurinensi Episcopo. XXXVIII. Quinque librorum contra Nestorium, & Eutychem auctor est Vigilus Tapsensis. XXXIX. Celsi Epistola ad Vigilum Episcopum, Vigilio Tridentino scripta esse potest, contra Caveum, & Maurinum editorem operum S. Cypriani. XLI. XLII. Non abhorret a disciplina primorum Ecclesiæ sæculorum, juvenes ad Episcopatum evehi. XLIII. Quando passus sit S. Vigilus, quove ætatis, & Episcopatus anno. Nourii calculi ad Ambrosii Epist. XIX. Class. I. incerti. XLIV. Actorum locus expensus. XLV. Tridentina Ecclesia a Theodosio Imp. minime ditata, adversus Papebrochium. XLVI. Eandem quarto sæculo Mediolanensi Metropolitæ paruisse probabilius est, contra Bernardum de Rubeis. Circa dimidium quinti sæculi Aquilejensi subiciebatur. XLVII. XLVIII. XLIX. Peroratio. L.



*De origine Ecclesiæ Tridentinæ , &
primis ejus Episcopis .*

DISSERTATIO.



Em difficilem, ut mihi quidem videtur, atque arduam aggredimur, vetera tractantes nullis veteribus monumentis adjuti, nulla antiquorum scriptorum auctoritate suffulti. Fuere quidem postremis temporibus qui hæc eadem fidenter, veluti oculati testes, litteris consignarunt. Verum si in eorum scripta diligentius inspexeris, invenies, illos non secus ac nos, omni prorsus lumine destitutos, silentium potius evitare voluisse, etiam quum loqui esset quammaxime periculosum. Quot fabulæ, quot monstra ex hac quidlibet effundendi facilitate emanarint, ii probe norunt, quibus comperitum est, quantum ex hujusmodi scriptis cum Ecclesiastica, tum profana Historia ceperit detrimenti. Quemadmodum enim qui fame vexantur, quæcumque apponas devorare solent, ita post barbarorum tempora jejuna ingenia,

reviviscantibus litteris, avidissime arripuerunt quidquid sibi propositum esset ab iis, qui veterem eruditionem colere viderentur, & ad novam quasi vitam vocare.

II. Janus Pyrrhus Pincius, Mantuanus, Tridentinorum Praefulum res gestas post initium XVI. saeculi primus omnium conscripsit, quas libris admodum duodecim complexus est, quibus duos alios adjecit, unum de Tridentinorum Ducum gestis, alterum de Tridentinae urbis origine. Is ab Aliprando Clesio Bernardi Clesii Tridentini Episcopi fratris filio in clientelam receptus, historiam scribere aggressus est, quam, Bernardo vita functo, sub ejusdem, & Christophori Madrutii Tridentini itidem Episcopi ac Cardinalis auspiciis in lucem emisit anno MDXLVI. Satis diligens pro ea aetate scriptor, si cum iis praesertim conferatur, qui id munus per ea tempora susceperunt: at si illius opera ad historiae regulas exigantur, aegre admodum Historiographi nomen ac famam tueri possit. Indulget enim saepissime ingenio suo. Non raro etiam alcucinatus est, ac piaculum duxit, si quicquam popularium opinionum ab se praetermissum fuisset. Praeterea facta, quae ad laudem & commendationem eorum, ad quos pertinebant, parum conducere viderentur, silentio praeteriit, ignarus scilicet, *Primam esse historiae legem* (ut in primo Officiorum libro Cicero monet) *ne quid falsi dicere audeat: deinde ne quid veri non audeat.* In quo mihi nunc illud in mentem venit lepidum

pidum sane ac ridiculum, quod habetur Lib. II. de Conrado II. Tridentino Episcopo, qui postquam Ecclesiam aliquot annos gubernasset, tandem humanarum rerum pertæsus (erat enim simul Princeps) D. Georgii Monasterium a se constructum ingredi cogitans, & quod reliquum vitæ erat, inter Monachos agere, *Collegium Patrum Tridentinorum* (si Pincium audiamus) *adhortatus est, ut alium sufficerent Episcopum.* Cum certo certius sit, Conradum petitiæ missionis adeo pœnituisse, ut Innocentius III. Summus Pontifex coactus fuerit decernere, ut is nulla interposita mora decederet, pro ut sollicitè postulaverat: *Capitulum vero Tridentinum intra dies octo post admonitionem, personam idoneam sibi eligeret canonice in Pastorem;* ut videre est Lib. III. Epist. LXXII. ejusdem Pontificis. Sed ignoscatur scriptori id non ex propria sententia sed ex quorundam dumtaxat opinione se narrare dicenti. Ceterum laudem etiam latine scribendi affectavit Pincius, ita tamen, ut in ejus scriptis desiderium magis, quam Romanæ linguæ puritas nitescere videatur. Quo in genere sunt, quæ sine risu excipinequeant; veluti cum Martyres ipsos *per Deos immortales* obsecrantes inducit, ut Pagani Dæmonum simulacra everterent, quo nescio an dici quicquam, aut audiri possit absurdius. At etiam voces omnes, ac præsertim propria virorum nomina, quæ minus Latina essent, ita exhortuit, ut quodam loco vel ob id plane a scri-

4 DE ORIGINE ECCLESIAE

benda historia se deterritum fuisse confirmet. Filios habuit duos, quorum alterum L. Romulum, alterum A. Cornelium nominari voluit. Ipse vero cum a parentibus, ut ego quidem conjicio, Joannes Petrus appellatus fuisset, Janus Pyrrhus vocari maluit. Poetae Laureati titulum sibi etiam tribuit in Praefatione quadam in librum Grammaticarum Institutionum Augustini Saturnii Brixienſis, pro more scilicet ejus ætatis, qua decus hujusmodi parvo emebatur, ac Poetarum laureæ alga viliores esse videbantur.

III. Is igitur Tridentinæ Ecclesiæ incunabula ab Hermagora D. Marci Evangelistæ discipulo, ejusque in Aquilejensi Ecclesia successore, desumit. Eo namque Evangelium annuntiante, ad Christi fidem conversos Tridentinos, ac Jovinum primum illius Ecclesiæ Pastorem ab eo designatum tradit circa annum Æræ Christianæ LXXIII. (non vero, ut male habet Ughellus, circa annum XL. eo enim anno Aquilejensis Ecclesia nondum a D. Marco fuerat constituta) Quamquam id minime consonet cum Aquilejensium rerum Scriptoribus, qui Hermagoram anno Christi LXX. jam obisse autumant, ut videre est apud eundem Ughellum Tom. V. Italiæ Sacræ in Episcopis Aquilejensibus, atque adeo ipsius Hermagoræ Actis, ex quibus circa annum Christi LXVI. simul cum Fortunato martyrio coronatum fuisse arguunt Bollandistæ Tom. III. mensis Julii. Post Jovinum, qui omnium primus Tri-

Tridentinis præfuit, hi ordine sequuntur ejusdem Ecclesiæ Præsules:

- II. Abundantius
- III. Claudius
- IV. Magnosius
- V. Aspidus
- VI. Lambuccius
- VII. Valentinus
- VIII. Genialis
- IX. Felix
- X. Valerius
- XI. Guarinus
- XII. Magroninus
- XIII. Theodorus
- XIV. Probus
- XV. Montanus
- XVI. Cyriacus
- XVII. Asterius.

*Quorum (ut Pincius ipse fatetur) nulla omnino præterquam solius nominis extat memoria, & nuda tantum vocabula. Asterio tandem successisse ajunt S. VIGILIUM, de quo plura inferius dicenda sunt. Vir doctissimus Joannes Benedictus Gentilottus, Tridentinus, qui nescio quo malo nostro fato, aliquot abhinc annis, immatura morte peremptus, multum nobis sui desiderium reliquit; cum animadvertisset Aquilejensi Synodo contra Palladium & Secundianum, Arianos Episcopos, anno CCCLXXXI. congregatæ interfuisse Abundantium Tridentinum Episcopum: neque ratio temporis patere-
retur, ut is pro eo Abundantio habeatur,*

qui Jovino, primo Æræ Christianæ sæculo, successit; eum medium inter Asterium, & Vigilium collocavit in suis ad Ughelli Episcopos Tridentinos Animadversionibus, atque uno Episcopo Tridentinam auxit Ecclesiam.

IV. Verum age singula expendamus ab aliis hucusque tradita; quidque nobis videatur, immo quid veritati unice studentibus videri oporteat, libere, & sine partium studio prodamus. Ac initio quidem, ut ordine nostra procedat oratio, Scholarum more, sententiam meam statim declarabo, quam rationibus atque argumentis propugnare conabor, iis omnibus rejectis, quæ nebulas offundere, scrupulumque aliquem injicere possent. Ajo igitur Tridentinæ Ecclesiæ primordia non ab Apostolicis temporibus repetenda, sed ad annos paullo post dimidium quarti Æræ Christianæ sæculi referenda esse; ideoque S. Vigilium, non decimum octavum ejus Ecclesiæ Antistitem esse, ut eum faciunt vulgares elenchi, aut decimum nonum, ut dici deberet eo recepto, quem Gentilottus adjecit, sed inter primos esse ponendum.

V. Ac primo quidem, qui S. Hermagoram Aquilejensem Episcopum Tridentinam Ecclesiam fundasse, eidemque Jovinum præfecisse tradunt, ii nulla auctoritate, nulloque veteri testimonio nituntur. Extat quidem Tridenti in Choro Cathedralis Ecclesiæ tum B. Hermagoræ, tum S. Fortunati hujusmodi monumentum: *B. Hermagoras, post B. Marcum Aquilejensis Pa*

*sis Patriarcha effectus, optimis operibus, & miraculis clarus martyrio coronatur. S. Fortunatus B. Hermagoræ discipulus, & ab eodem sibi successor destinatus martyrii corona decoratur. Verum Inscriptiones hæc duas recentiores esse, quam ut fidem ullam facere possint, si Patriarchæ vox primis quatuor ferme Ecclesiæ sæculis inaudita, quæ in iis legitur, satis superque non ostenderet, sola litterarum forma inspecta, id quam maxime perspicuum esset, ex qua Joanne Hinderbachio Tridentino Episcopo, qui post dimidium XV. sæculi floruit, antiquiores fortasse non esse, suspicari licet; videnturque ex pseudographis S. Hermagoræ Actis, de quibus postmodum longior erit sermo, desumptæ fuisse. Sed demus eas esse antiquissimas: quis inde inferre audeat ab Hermagora, vel Fortunato Tridentinam Ecclesiam constitutam fuisse? Nonne multo est probabilius Hermagoræ primi, ut creditur, Aquilejensium Episcopi memoriam a Tridentinis propterea coli, quod Tridentinus Episcopus Aquilejensi sit suffraganeus? Cum igitur qui S. Hermagoræ gesta litteris consignarunt, eum *Seniores*, (alii *Sacerdotes* legunt) & *Levitas* ordinasse tradant. Post hæc ad civitatem *Tergestinam Presbyterum*, & *Diaconum* direxisse, & **PER ALIAS CIVITATES SIMILITER** fecisse; immo sint qui asserant, *Lauriacensem Ecclesiam* primordia sua debere *Aquilejensibus Præsulibus*, Marco scilicet, vel potius *Hermagoræ*, iteinque *Japides*, & *Pannonios* ab eodem, ejusque discipulis fidem Chri-*

stianam accepisse; primi illi, qui Tridentinae Ecclesiae exordia investigarunt, ne ea serius fidem accepisse videretur quam reliquae, ex hoc amplissimo fonte suum rivulum derivarunt, verisque rationibus deficientibus, ad commenta, Poetarum more, confugerunt, id quasi verum afferentes, quod sibi verisimile visum esset, aliisque itidem videri posset.

VI. Neque tamen est, quod vulgaris elenchi, quo Tridentinorum Episcoporum series comprehenditur, Pincius a nobis primus auctor existimetur. Pro certo enim habemus, ipsum ea nomina ex Tridentinorum monumentis, quamquam non admodum antiquis, mutuatum esse. Bartholomæus Tridentinus ex Dominicana familia XIII. saeculi scriptor, qui inter annos Æræ Vulgaris MCCXLIV. & MCCLI. opus lucubravat, cui titulum fecit: *Epilogi in gesta Sanctorum*, nondum typis editum, Romæque asservatum in Bibliotheca Barberina Cod. 2061. in 4. in Vita S. Vigili Tridentini diserte asserit, Jovinum primum fuisse illius civitatis Pontificem, *post quem alii XVI. eandem Ecclesiam gubernarunt*, quorum ultimus fuit Asterius, quo mortuo, Vigilium electum fuisse tradit; quod deinde repetit in Vita S. Maxentiae matris ipsius Vigili, a Bollandianis edita Tom. III. mensis Aprilis pag. 773. sed auctoris nomine ignorato. Jo. Benedictus Gentilottus ad Ughelli Tom. V. pag. 605. mentionem facit Catalogi cujusdam MS. Tridentinorum Episcoporum, qui apud se extabat. Insuper in Bibliotheca Tridentina est li-

est liber liturgicus, seu missalis membranaceus, in quo Tridentinorum Præfulum Elenchus continetur. Is liber una cum Elencho, Udalrico II. vivente (qui primus inter Tridentinos Episcopos Principis dignitatem est affectus) conscriptus fuit sæculo XI. incunte. Ex quo suspicari licet, eum Catalogum non ab alio quam ab ipso Udalrico, aut a quodam Udalrici studioso confectum fuisse, qui ejus Ecclesiæ rebus florentibus hoc quoque ornamentum addere voluerit; ut scilicet quæ nuper Tridentino Comitatu, valleque cognomento Venuſta a Conrado II. Imperatore ditata fuerat, ea felici quadam Episcoporum serie, a temporibus usque Apostolicis repetita, non careret: ætate præsertim fabularum feracissima, in qua Ecclesiarum monumenta vel deperdita, vel mutilata, refingere, ac supplere pro voluntate, licitum penitus videretur. Ex his porro lacunis procul dubio hausit Pincius, quarum magnam partem confictam esse, & sine ullo prorsus fundamento confarcinatam, vel illud argumento est, quod in iis nulla fiat mentio quorundam Episcoporum, qui certis monumentis confirmari possunt. Velut *Abundantii*, qui ut diximus, Aquilejensi Synodo interfuit anno CCCLXXXI. apud Labæum Tom. II. pag. 978. *Volderici*, seu *Ovalderici*, qui anno DCCCXIV. seu potius proxime antecedenti, interfuit cum Maxentio Patriarcha Aquilejensi consecrationi Ecclesiæ S. Georgii Veronæ, apud Ughellum Tom. V. Italiæ Sacræ pag. 709. & *Arimundi*, qui in Monasterio

rio S. Mariæ de Organo cum Rodoaldo Aquilejensi Patriarcha sedit Judex cujusdam controversiæ, apud V. CL. Ludovicum Antonium Muratorium in Antiquit. Atestin. Tom. I. pag. 152. Quæ omnia vulgarium Tridentinorum elenchorum auctoritatem infirmant, atque ostendunt ex sacris Diptychis minime desumptos esse, hoc est ex iis monumentis, quæ circa Episcoporum seriem, atque ætates certam fidem facere possunt: Accedit, in iisdem nomina primorum præsertim Episcoporum, tam varie, tam inconstanter efferri, ut nihil certi decerni possit. Claudius enim ab aliis *Claudianus* vocatur. Lambuccius aliis est *Sambatius*. Felix ab aliquibus *Fidelis*: Guarinus vero ab aliis *Guarianus*, ab aliis *Quartus* nominantur. Magroninus aliis est *Majoranus*. Agippus Bucelino est *Regippus*, aliis *Eugypius*. Quid plura? Magnosius ordine quartus, ab aliis *Mogorianus*, ab aliis *Magorius*, ab aliis denique *Major* appellatur. Quis vero in tanta nominum diversitate fraudem aliquam subesse non suspicetur? *Hæc est enim mendaciorum natura*, (ut Lib. V. Cap. III. Divin. Instit. recte Lactantius ait) *ut coherere non possint*.

VII. Ajo deinde, quod est alterum sententiæ nostræ fundamentum, D. Marci ad Aquilejenses adventum, eorumque Ecclesiam ab eodem primum constitutam, inter incerta omnino, ne dicam commentitia, referendum esse. Quæstionem hanc novissime sibi discutiendam proposuit Vir doctissimus, mihi que summa familiaritate conjunctus, Jo. Franciscus Bernardus Maria de Rubeis

Rubeis in Monumentis Aquilejensibus Commentario Historico-cronologico-critico a se illustratis; qui licet omnem ingenii vim exerat, ut tam illustre patriæ suæ decus a Criticis ple-
risque oppugnatum in tuto ponat, tamen eo quo est erga veritatem amore, judicii-que ac-
umine præditus, pro certo atque indubitato nobis illud venditare minime audet: sed pro-
positis, atque expensis Aquilejensium documen-
tis, concludit duntaxat Cap. I. §. IV. *adversa
argumenta tanti non valere, ut Aquilejensem Marci
Apostolatam suffodiant.* Verum age cum eruditissi-
mo, atque amicissimo viro amicam disputatio-
nem instituamus, experiamurque & nos pro
modulo nostro, num Aquilejensium monumen-
ta, ac rationes tanti revera ponderis sint, ut
merito ea Ecclesia de tam vetusta origine at-
que institutione gloriari possit.

VIII. Marci ad Aquilejenses a D. Petro fa-
cta missio, quam *traditione magis, quam antiquo-
rum certo testimonio* niti, etiam magnus Baronius
fatetur ad an. XLV. §. XLI. testem revera (con-
sentiente nuper laudato CL. Viro) Paulo Dia-
cono antiquiorem nullum habet, in libro de
gestis Episcoporum Metensium, edito a Mar-
quardo Frehero inter Gallicarum rerum Scri-
ptores; recuso deinde Tom. XIII. pag. 329. Bi-
bliothecæ Patrum postremæ editionis. Porro
quam sublesta sit fides istius auctoris in rebus
antiquis, quamque sine ullo prorsus criterio
traditiones quascumque receperit, præsertim
cas, quæ ad Ecclesiasticam Aquilejensium hi-
storiam

historiam spectant, eruditi omnes optime norunt. Certe de hac ipsa Episcoporum Metensium historia V. CL. Elias Dupinus iudicium ferens Tom. VI. Bibliothecæ Auctorum Ecclesiasticorum pag. 114. ait, prima illius tempora, quæ cum Apostolorum ætate autor connectit, fabulosa omnino esse: *Les premiers temps de cette Histoire qu'il fait remonter jusqu'aux Apôtres, sont entierement fabuleux.* Quod ex eo Diaconi testimonio unice inferre licet, illud sane est, jam tum eam invaluisse opinionem; quo minus mirandum sit, eandem locum invenisse tum in quibusdam Martyrologiis, ut Adonis Vienneſis, Notkeri, Uſuardi, & *Romano Veteri* a Rosweydo edito, tum etiam in duobus Diplomatis nempe Caroli Magni altero anni DCCXCII., altero anni DCCCIII., & uno insuper Ludovici Pii ac Lotharii Imperatorum anni DCCCXXX. ab eodem CL. V. allatis; in quibus scilicet vulgares opiniones passim recipi solent nullo præhabito examine, nullaque veritatis facta disquisitione.

IX. Post Pauli Diaconi auctoritatem Aquilejenses S. Hermagoræ Acta proferunt a Mombrizio edita Tom. II., deinde a Bollandi Continuatoribus recusa ad diem XII. mensis Julii. At vero Acta illa levissimæ auctoritatis esse, tum recens eorum atas, tum plures, iique foedissimi errores, quibus passim scatent, satis superque demonstrant. Primo quidem *Austriæ provincie urbs* in iis dicitur Aquileja, quam non ante sæculum VI. ita vocari potuisse, ex eo liquet,

liquet, quod *Austrie* nomen Forojuliensi provinciae a Langobardis primum inditum sit, quo nomine *Orientale Regnum*, Francos imitati, significabant, ut post Iustum Fontaninum in Elogio Historico Philippi a Turre §. II. pag. 3. adnotavit Anonymus Mediolanensis in eruditissima Dissertatione Chorographica de Italia mediævi Sect. VIII. §. XXV. & XXVI., inserta Tom. X. Rerum Italic. Scriptor., & alii. Referunt eadem Acta *juvenem* quemdam nomine *Athulfum* (alii *Athaulfum* legunt) *filium Ulfii, illustris & primi civitatis, qui magna lepra detinebatur*, a D. Marco sanitati restitutum fuisse. Porro quis non videat *Ulfii*, atque *Athaulfi* nomina, Marcitempora, hoc est Romana, minime sapere, sed Gothorum, aut Langobardorum ætati respondere, quorum postremum, Hugone Grotio teste in Indice nominum Gothicorum, quem Procopii Historiæ ab se editæ adtexuit, idem sonat Gothica lingua, quod Romana *juratus auxiliator*? Quare si vera sint quæ de illo miraculo ibi traduntur, ante Gallieni tempora minime ea contigisse nos credere oportet; sub eo enim Imperatore barbarorum incursiones in Italiam, atque in alias regiones malo quodam Imperii Romani fato coeperunt, ut apud Eutropium Lib. IX. de gestis Romanorum videre est, proindeque suspicari quis posset, si non Marcum, at certe Hermagoram, cui fortasse ea tribui debent, ea ætate vixisse. Neque vero sine ulla prorsus animadversione prætereundum est id, quod de *magna Athulfi lepra* referunt Acta,

Acta, quibus verbis Elephantiasin indicare videntur. Porro minime id consentit eum iis, quæ de morbo illo Orienti notissimo scriptores memoriæ prodidere. Peculiarem Ægypto eum esse tradunt Lucretius Lib. VI. v. 1112., Plinius Lib. XXVI. Cap. I. Marcellus Empiricus Cap. XIX. pag. 130., & Galenus Lib. II. Cap. XI. Jesu Christi ætate in Judæa fuisse leprosos, negari nequit, Scriptura teste. At in Europa non item. Saltem quod ad Italiam spectat, Plinius, qui eadem propemodum qua D. Marcus ætate floruit, auctor est loco laudato *ante Pompei Magni atatem non accidisse Elephantiasin, deinde vero celeriter restinctam fuisse*. Quod Cor. Celsus confirmat; *ignotum pene in Italia morbum eum vocans* Lib. III. Cap. XXV. Sæculodemum XI. XII., & sequentibus Europam quoque inundavit pestilentissima lues, quam ex Judæorum frequentia & consortio inductam quosdam: alios vero ex variis expeditionibus Cruce-Signatorum in Syriam comportatam contendere, adnotavit Augustinus Calmetus Tom. I. Part. II. Comment. in S. Script. in Disquisit. de natura & causis Lepre. Attamen nostris etiam temporibus frequentiores esse in Galliis, & Germania leprosos, quam apud Italos, testis est Marcellus Donatus Lib. I. Cap. IV. Medicæ Historiæ mirabilis, cujus hæc verba sunt: *In Italia sicuti raro admodum Elephantiasis, seu Lepra observatur, ita mehercle minus quoque contagiosam, si quando occurrit, deprehendimus*.

X. Difficultati huic, quæ ex Gothicis nominibus

nibus oritur, occurrit Aquilejensium Monu-
 mentorum eruditissimus illustrator & vindex,
 atque hæc contra Papebrochium, & Hensche-
 nium reponit §. III. „ At enim Aquileja, Stra-
 „ bone teste Geographiæ Lib. V. *patebat empo-*
 „ *rium Illyricis gentibus Istrum accolentibus.* Ait etiam
 „ Herodianus Lib. VIII. in Maximino: *Super*
 „ *civium ingentem numerum, etiam magnam vim*
 „ *hospitum, ac mercatorum eam urbem (Aquilejam)*
 „ *frequentasse: eamque ad mare sitam, quasi ter-*
 „ *minum Illyriæ.* Atque demum Ammianus Mar-
 „ cellinus Lib. XXI. *Italicos incolas* distinguit
 „ ab exteris. Quidni vero inter alienigenas, Il-
 „ lyricos, & Istros, qui Aquilejæ hospitaban-
 „ tur, aut sedem fixerant, plerique fuerint
 „ exoticis nominibus muncupati? Id negaverit
 „ jure nemo. „ Quod deinde summatim re-
 petit cap. III. §. II. At non advertit V. CL.
 Athulfum illum, de quo in Actis mentio est,
 exterum, aut alienigenam minime esse potuisse,
 utpote qui filius erat Ulsi *illustris, & primi ci-*
vitatis, quod indigenam, & quidem vetustissi-
 mum, seu potius patricium quemdam designare
 videtur. Deinde vero *Athulfus, & Ulfus* Gothi-
 ca nomine sunt, non autem Illyrica. Porro
 quid Gothis (qui e Scanzia pæninsula, ut qui-
 busdam placet, olim egressi, circiter D. Mar-
 ci ætatem inter Albim & Vistulam fluvios con-
 sedisse videntur) cum Illyricis Aquilejæ degen-
 tibus commune esse poterat?

XI. Sed deterius multo est quod Acta tra-
 dunt

dunt de eodem S. Marco, qui cum post aliquot prædicationis annos Aquilejensem Ecclesiam jam fundasset, magnoque videndi Petri desiderio teneretur, *populum occulte dimittere* in animum induxerat; & hoc sane antequam Hermagoram Aquilejensibus Episcopum præfecisset. O egregium Pastorem, qui instantibus lupis, sine duce ac rectore, clam gregem deferere satagit! Quis tam pudendum facinus de sanctissimo Evangelista suspicari, ne dicam ipsi affingere audeat? Quis non videat ab ineptis & fanaticis tenebrionibus per summam impudentiam atque audaciam hæc commenta fuisse? Tradunt eadem Acta, Hermagoram a D. Marco Episcopum designatum, minime ab eodem consecratum fuisse, sed Romam ad Petrum perductum, ut ab Apostolorum Principe primus Aquilejensium Pastor initiaretur. Cap. vero II. in iisdem legere est, Fortunatum Archidiaconum sacro Baptismate diversos abluisse, cum tamen Presbyteri multi præsto essent: quæ omnia recentem scriptorem produnt antiquorum Ecclesiæ morum non satis peritum, quique ex rerum constitutione, quæ suis temporibus, hoc est posterioribus obtinebat, de antiquissimis illis loquatur; quod pariter evincit *Archidiaconi* vox, primis Ecclesiæ sæculis minime usitata. Sed jactantiam etiam ac vanitatem scriptoris potius videas, quam veræ historiæ indicium ex iis, quæ de eodem Hermagora traduntur, qui cum S. Marco Romam profectus,

fectus, a B. Petro accipiens baculum Pontificatus, & velamen sacramenti cum benedictione, factus est Proton-Episcopus provincie Italiae. Hæc ut emolliat V. CL. hanc de Italiae voce explicationem affert Cap. III. §. II. Cave Italiam intelligas, quæ a freto Siculo ad alpium radices protenditur. Minus latam Italiae acceptionem pro regionibus transisque Padum positis, aliamque contractissimam pro Venetia, & Istria, primis Ecclesie sæculis, maximeque juxta Constantinianam politiam invaluisse admonuimus. Totum id libenter concedimus. Pergit porro: Primum ergo constitutum renunciatumque Hermagoram in tota Venetia, ac Istria Episcopum, inficiabitur fortasse nemo. At etiam præ reliquis omnibus, qui sedem tenuerunt in locis ac civitatibus Italiae trans Padum, primatum illum gessisse, incredibile non est. Addit vero Cap. XIX. §. II. Hermagoras dicitur Protos-Episcopus, non quia Metropolitico jure potiretur, sed quia primus Antistes ille fuerit, qui absque dubio in Venetia, & Istria, ac etiam fortasse in finitimis provinciis Christi fidem disseminaverit, & Ecclesias instituerit. Qua ratione primatum super omnes transpadanas civitates, vel etiam super solam Veneriam, ac Histriam gerere quis possit, neque tamen ullo Metropolitico jure fruatur, vix assequi valeo. At non id sonant verba: a B. Petro factus est Proton-Episcopus, quæ collationem dignitatis alicujus manifeste declarant. Quænam vero dignitas ea, nisi Metropolitana? Et quidem hoc eodem sensu ea Actorum verba accipiuntur in Actis Synodi Mantuanæ anno DCCCXXVII. celebra-

tæ, editis ab eodem de Rubeis Tom. IX. Conciliorum editionis Venetæ anni MDCCXXIX., in iis enim Hermagoras dicitur *Protos Italia Pontifex constitutus*, ipsa Aquileja *prima civitatis totius Italiae*, & Aquilejensis Ecclesia *Matrix semper & Metropolis*. Porro Metropolitanorum jura in Occidente multo serius incepisse, neque ante Nicænam Synodum, quæ anno Æræ Vulgaris CCCXXV. celebrata est, ullos in Italia universa agnitos Metropolitanos fuisse, luculentissime probat V. CL. Benedictus Bacchini in Dissertatione de Ecclesiasticæ Hierarchiæ originibus. Quod scilicet universæ per Italianam Ecclesiæ ab iis, qui vel a Petro, vel a Petri successoribus gentium convertendarum causa missi erant, fuerint erectæ, proindeque Romanæ sedis quædam veluti Colonix essent, cui parebant, nullumque alium Metropolitanam agnoscebant præter Romanum Episcopum. Aquilejensis vero Metropolis primordia, Valeriano alii, qui anno CCCLXXX. floruit, antiquiora non esse probant: alii multo etiam recentiora faciunt. Nemo sanus ad Apostolorum tempora refert.

XII. Pergunt Acta, erroresque erroribus accumulanti. Hermagoram martyrio coronatum tradunt *imperante Nerone in urbe Roma, & præfecturam agente Agrippa, qui fuit filius fratris ipsius Herodis*. Quis quæso sibi persuadeat, Præfecturæ munus a Judæo apud Romanos fuisse administratum? At Neronis tempore nullus Agrippa urbis Præfectus fuit; immo ex Plutarcho

in Othone discimus, Flavio Sabino urbis Prefecturam a Nerone traditam fuisse. Erroribus contradictiones adduntur. Fortunatum enim Diaconum simul cum Hermagora in Neroniana persecutione capite plexum fuisse tradunt, *quem ipse (Hermagoras) ab infantia cum Dei timore enutrierat*, ac in Episcopatu successorem sibi delegerat. Porro demus Hermagoram anno Christi XLIX., aut L. Aquilejæ creatum fuisse Episcopum, licet a multis id multo etiam serius contigisse asseratur. Demus eo statim anno Fortunatum ab eo erudiri cœptum, qui tum decem annorum fuerit. Triginta saltem annos is numerarit oportet, cum successor ab Hermagora designatus est, ac proinde reliqui sunt XX. anni, qui prioribus additi summam faciunt LXIX. aut LXX. annorum, quo tempore & imperium, & vitam jam amiserat Nero.

XIII. Tot sphalmata, tot alucinationes in Hermagoræ Actis animadvertens eorundem CL. vindex, ut quo pedem figere tuto possit, non habeat, tandem ipsorum auctoritati lubens meritoque nuntium remittit, modo sibi integrum sit tria hæc præcipua capita retinere, Aquilejensem scilicet D. Marci Apostolatum, Hermagoræ in Episcopum electionem primo Æræ Christianæ sæculo, ac tandem ejusdem cum Fortunato Diacono martyrium. Cetera si minus veritati consona inveniantur, sequiorum sæculorum interpolationes esse contendit, quæ Actorum fidem ac integritatem minime evertant. At vero testimoniorum quorumcumque

non ea profecto ratio est, ut partim retineri, partim pro lubitu respui possint, nisi quæ ab aliis supposita esse contendimus, evidentissime demonstramus. Quæ causæ nostræ favent, ea libenter amplecti, quæque officiunt, licet numero plura, falsariorum audaciæ tribuere, id contra omnes Criticæ regulas omnino esse videtur. Equidem non inficior ob unum alterumve erratum veteribus monumentis fidem omnem denegare, intemperantioris Critici esse; alteque insident animo aurea Card. Baronii verba in Notis in Martyrol. Rom. ad diem IX. Octobris: *Si ob unum errorem, vel alterum in Vitis Sanctorum inventum, cetera quæ remanent, fide carere dixerimus, profecto omnes fere Sanctorum Vitæ, in maximum discrimen inducimus, cum pane in omnibus aliquid notari possit, quod corrigendum videatur; sitque Canoniarum tantummodo Scripturarum singularis prerogativa, ut in eis cuncta vera, inconcussa, certaue narrentur.* At quæ fides jure habeatur documento adeo recentioris ætatis, minime sibi cohærenti, quisquiliis tam turpiter abundanti, uno verbo, in quo totidem pane sunt nugæ, quot sunt res, quæ commemorantur? Neque enim cujus historiæ capita quamplurima perabsurda sunt, ejus pars reliqua erroribus carere censenda est.

XIV. Tertium D. Marci Apostolatus testimonium ex Catalogis, & Chronicis Patriarcharum illius Ecclesiæ desumunt Aquilejenses. Et sane quod ad Catalogos attinet, in quibus sola priscorum Antistitum nomina recensentur, ex
 sacris

sacris Diptychis, quorum usus ubique olim constantissime obtinebat, prodiisse illos contendit sæpius memoratus CL. Vir, ac verisimillimum putat, Catalogum hujusmodi, quo olim Ecclesia Aquilejensis utebatur, hodie vero adhuc utitur Ecclesia Forojuliensis, qui ab se editus est in Appendice §. I. ex antiquissimis illis Episcopalibus Tabellis emanasse; proindeque vetusto probatissimoque testimonio niti Marci Evangelistæ ad Aquilejenses prædicationem. At vetustati illius Catalogi multum officit *Patriarchæ* titulus, quo tum Marcus, tum Hermagoras, sive Hermachoras, ceterique primi Aquilejæ Præsules insigniuntur, cum apud omnes eruditos constet, eam appellationem post quartum dumtaxat Ecclesiæ sæculum originem habuisse. Recentem interpolationem eam esse clamat vir doctissimus: at mihi prorsus non persuadet. Si enim Catalogus ille sacra Aquilejæ Diptycha, quæ olim sub ipsis Missarum solemnibus recitari consueverant, repræsentaret, majori certe veneratione exceptus fuisset, neque titulos de suo addendi facultatem sibi unquam interpolatores vindicassent. Sequuntur Chronica Patriarcharum Aquilejensium, edita tum a V. CL. Ludovico Antonio Muratorio Tom. IV. Anecdotorum, & Tom. XVI. collectionis Rerum Italicarum, tum ab ipso de Rubeis in Appendice §. II., quæ recentiora ceteroquin esse ipsis Hermagoræ Actis ingenue idem fatetur. Quod vero eorum auctoritatem mirum in modum infirmit, non tam

atas recentior est, quam putidæ narrationes,
 ac fabulæ, quibus implicantur. De occulta
 enim dimissione, quam S. Marcus animo vol-
 vebat, antequam ullum Aquilejensibus ordinas-
 set Episcopum; de consecratione itidem Her-
 magoræ Romæ a D. Petro facta, nec non de
 ejusdem Hermagoræ Proto-Episcopatu, plane
 subscribunt iis, quæ in Hermagoræ Actis le-
 guntur. Neque minus lepidum figmentum illud
 est de Codice autographo Evangelii a D. Mar-
 co perscripti, *qui hodie in Aquilejensi Ecclesia
 omnibus videre volentibus, demonstratur.* Codex
 enim ille, qui nunc partim Venetiis, partim
 Pragæ asservatur, Latinis litteris exaratus est,
 ut argumento plane certissimo probat ipsemet
 CL. Vir Cap. II. §. V., cum tamen Marcus
 Evangelista non latine, sed græce scripserit,
 ut post Hieronymum Epist. CXXIII. ad Da-
 masum, & Augustinum Lib. I. Cap. II. de
 consensu Evangelistarum, viri eruditi pæne
 omnes consentiunt. Sunt quidem, inter quos
 Baronius ad an. XLV. §. XXXIX., qui ex re-
 centioribus monumentis, & conjecturis qui-
 busdam, non omnino inverisimile putant, Mar-
 cum latine scripsisse, utpote qui Latinis homi-
 nibus scribebat, & quidem illiteratis, atque
 adeo Græcæ linguæ, ut credere par est, pe-
 nitus ignaris. At ut sileam, etiam Paullum ad
 Romanos scripsisse, neque tamen Romana, sed
 Græca lingua usum esse; quis sibi persuadeat,
 Hieronymum acerrimi ingenii subactæque eru-
 ditionis virum, sacrarum vero litterarum ad mi-
 racu-

raculum usque peritum, adeo stupidum se se exhibuisse, ut qua lingua Marcus scripserit, ignoraverit; ejusque Evangelium interpretaturus, Græcum textum pro autographo haberit? Adde præposteram eam esse argumentandi rationem, ex conjecturis facta negare, quæ ceteroquin firma auctoritate nituntur. Si enim ita arguere liceat, quodcumque velis, nullo negotio negare poteris, nihil enim in humanis rebus unquam accidit, quod si ad conjecturas quasdam confugas, minime accidisse videri haud possit.

XV. Restat prostremum Aquilejensium monumentum, historia scilicet quædam, quæ *Apostolatus Aquilejensis* titulo circumfertur, edita a Godefrido Henschenio ad diem XXV. mensis Aprilis Tom. III. ; in quo fundamento convellendo minus nobis laborandum erit, quandoquidem ipsemet de Rubeis lubentissime Tillemontio subscribit, existimanti ex politiori ejus historiolæ dictione recentissimam colligi auctoris ætatem, qui jam instauratis in Italia litteris floruerit. In ea quoque repetuntur ineptiæ, quas supra memoravimus; præsertim de Codice autographo Evangelii D. Marci, quæ novo etiam fulcitur adminiculo, lepido sane atque eleganti: *Adest etiam* (legitur ibidem) *huius rei testis, quæ usque in hodiernum diem ad confirmandam hujus veritatis assertionem in eadem Ecclesia perseverat, ex ebore utique antiquo cathedra, politis compacta tabulis, in qua quidem sedisse illum (D. Marcum) dum Evangelicas paginas exararet,*

*præscorum non retinuit memoria relatorum; in cuius
nimirum cathedræ sedili nullus est unquam ausus Pon-
tificum residere, sed in magna veneratione hætenus
extat a cunctis Pontificibus humiliter honorata.*

XVI. Hæc sunt, quæ Aquilejenses hætenus
protulerunt domesticæ traditionis momenta,
quæ num tanti valeant, ut D. Marci Aposto-
latum in tuto ponant, peritioribus, atque a
partium studio alienis, dijudicandum relinquo.
Restat ut quæ contra eos afferri possunt argu-
menta, breviter expendamus. Primum illud est,
quod ex Eusebii Cæsariensis in Ecclesiastica
Historia, nec non Hieronymi in libro de Viris
Illustribus silentio desumitur, quorum posterior
in Aquilejensi urbe aliquandiu fuit, suisque
laudibus tum Ecclesiam illam, tum Præsules
synchronos extulit. S. Marcum, quod Evan-
gelium ipse conscripserat, cum eo quidem in
Ægyptum perrexisse, atque Alexandrinam Ec-
clesiam primum fundasse, narrat uterque; sed
de Aquilejensi nulla fit mentio, quamvis in
illius viri sanctissimi actis persequendis oppor-
tunus id saltem innuendi daretur locus. Sed
quis credat, Rufinum Aquilejæ educatum, sa-
croque ibidem Baptismate tinctum, in XIV.
XV. aut XVI. Cap. Lib. II. Historiæ Ecclesia-
sticæ Eusebii a se in Latinum conversæ, in
quibus agitur de P. Apostoli cum D. Marco
ad urbem Romam adventu, deque ejusdem D.
Marci Evangelii descriptione, atque in Ægyptum
ad Christi fidem enuntiandam profectioe,
tantum Aquilejensium decus præterire silentio

voluisse? Quum enim, ut viri eruditi pæne omnes inter se consentiunt, & Rufinus ipse non uno in loco testatur, in illa Eusebii Historia vertenda multa demere, & mutare, plura vero addere licitum sibi duxerit: quum, ut cetera prætermittam, Lib. VII. Cap. XXV. narrationem Eusebiano textui de suo ipse adtexuerit de rebus a S. Gregorio Thaumaturgo præclare gestis, quæ ad Ecclesiam Aquilejensem nihil omnino pertinent; profecto tam turpiter cum sibi defuisse existimandum non est, ut Ecclesiæ suæ tam splendidum ornamentum negligeret, si quidem traditioni suorum temporum illa opinio consentanea fuisset. Fateor equidem negantis argumenti exiguam vim esse ad opinionem aliquam convellendam; sed, ut antehac a doctissimis viris observatum fuit, ea argumentandi ratio validissima est cum aliquid positivi admixtum habet. Porro quod Eusebius, & Hieronymus, diligentes ceteroquin scriptores, D. Marci prædicationem, & Ecclesias ab eodem erectas data opera recensuerint, neque tamen de Aquilejensi mentionem fecerint; positivum illud est, quod in negantibus argumentis, ut aliquid efficiant, requiritur. Sed plus etiam quam positivum videri possit, Rufinum Concordiæ natum fuisse, quæ agri Aquilejensis civitas est, sacroque Aquilejæ lavacro regeneratum. Si enim patriæ amor eo sæpissime scriptores impellit, ut falsa comminiscantur, quis sibi unquam persuadeat adeo in Rufino tepuisse, ut ne vera quidem memoriæ proderet? Difficultatem

tatem hanc repellere conatur V. CL., reponitque Cap. I. §. V. Rufinum duobus in libris Ecclesiastica Historia, quos ab Ariana hæreseos primordiis usque ad Theodosii Magni obitum perduxit, adeo rerum Aquilejensium immemorem se exhibuisse, ut cum plura ad alias Ecclesias pertinentia narret, nihil omnino de illis in tanta materie segete proferat. At diversa omnino ratio est eorum, quæ vetustior ætas jam consecravit, ab iis, quæ Rufini ætatem propius attingunt, quæquæ dedecus non exiguum Aquilejensibus Præsulibus pepererant, a quibus commemorandis abstinendum prorsus erat, ne scilicet memoriam recentissimi vulneris, quod Diœcesis illa ab Ariana peste acceperat, invidiosa recordatione refricaret. At Aquilejensis D. Marci Apostolatus commemoratio, utpote rei præclarissimæ, maximique tum Aquilejensis Ecclesiæ, tum totius Italiæ ornamentum ac splendoris, nulli non grata, nulli non jucunda esse poterat.

XVII. Alia oritur difficultas, nec sane levis, ex Alexandrina Ecclesia, una scilicet ex tribus primariis Sedibus jam inde ab exordio Christianæ rei constitutis, quam tamen Aquilejensi posteriorem fateri necesse esset, si hujus initia ad D. Marcum referantur. Jo. Baptista Sollerius in Dissertatione ad Seriem Chronologicam Patriarcharum Alexandrinorum Tom. V. mensis Junii §. I. & II., ut inter omnes tum veteres, tum recentiores, qui de S. Marci prædicatione scripserunt, concordiam constitueret, nullique non faveret, sine ullo prorsus testimonio, atque

que ex meris conjecturis, varias Evangelistæ ad Ægyptios, & Alexandrinos missiones commentus est, & quam Eusebius, Epiphanius, Hieronymus, aliique profectionem D. Marci in Ægyptum, & Alexandriam vocant, eam ipse reditum appellat. Opinationem hanc, quod causæ suæ valde faveret, avidissime arripuit V. CL., eamque adeo certam & exploratam habuit, ut Cap. I. §. III. Scribere non dubitaverit: *Longe antequam Romam Marcus proficisceretur, Ægyptiis, & Alexandrinis verbum Christi ipsum evangelisasse, pro certo habendum esse.* Alexandrinam igitur Ecclesiam ante D. Marci ad Urbem adventum jam constitutam fuisse autumat; proindeque Aquilejensi posteriorem minime dici posse. Refragantur quidem huic sententiæ Aquilejensium suorum monumenta, Hermagoræ enim Acta *primam* D. Marci sortem vocant Aquilejensem Apostolatam; quæ ut simul conciliet, mire se torquet Vir doctissimus, ac tandem eo adducitur, ut credat *primam sortem* dici in Actis illis, non quæ absolute, ac universim contigit Marco; sed Aquilejensis, cum primus ille mandatum acceperit a Principe Apostolorum, ut Roma discedens, Evangelium Christi Aquilejæ nuntiaret, Ecclesiamque institueret. Quasi vero tot essent *primæ* Apostolorum sortes, quot sunt loca, in quibus primum Evangelium enuntiarunt. Ne quid dicam de Actorum verbis, ex quibus evidentissime patet, ad Marci personam, & quidem generatim, *primam* illam sortem, non autem ad locum referri. En verba ipsa: *Tunc accipiens B. Marcus primam sortem,*

tem, & baculum Pontificatus, arripuit iter, & veniens pervenit apud prædictam urbem, quæ dicitur Aquileja. Hunc esse genuinum loci istius sen- sum, confirmat etiam universa Venetorum sæ- culi IX. traditio, cujus testes luculentissimi sunt Bonus Tribunus Mathemaucensis, & Rusticus Torcellensis, Veneti mercatores, qui quum anno Æræ Vulgaris DCCCXXVIII. corpus S. Marci Evangelistæ Alexandria Venetias defer- re niterentur, custodibus reluctantibus, & Ale- xandrinam D. Marci prædicationem obtenden- tibus, reposuerunt: Si de prædicatione ejus (D. Marci) tractandum est, scimus quia primum Aquilejam civitatem Italia duxit ad fidem, quæ sita est in provincia illa, quæ ex antiquo Venetia nuncupa- tur, de qua nos orti sumus. Ergo nos sumus pri- mogeniti filii ejus, qui primum ab eo per Evan- gelium geniti sumus; ut legere est in Historia Tran- slationis Corporis S. Marci, quam ex Vatica- nis codicibus eruit Baronius, vulgavitque Tom. IX. Annal. ad annum DCCCXX. §. XXII., recusa deinde a Bollandianis Tom. III. Aprilis pag. 353. Quod pariter confirmat Dandulus in Chronicis Lib. VIII. Cap. II. Part. VI. Ne- que tamen inficiari velim, Marcum primum & unicum Ægyptiorum Apostolum, eam pro- vinciam ne levitur quidem attigisse, antequam Romam cum D. Petro iter susceperet, & Evan- gelium litteris consignaret; cum præsertim ejus- dem Acta apud Henschenium ad diem XXV. Aprilis Tom. III., & Arabes auctores aperte pronuntient, finitimis eum populis Evangelium annun-

annuntiasse, antequam de Alexandria ad Christi fidem convertenda a Spiritu S. moneretur. Illud unice contendo, Alexandrinam prædicationem, atque adeo illius Ecclesiæ exordium, post Romanum D. Marci iter, scriptionemque Evangelii, repetendum esse, quod disertissimis, concordibusque tum Græcorum, tum Latinorum, Eusebii scilicet, Epiphani, Hieronymi, aliorumque testimoniis firmatur. Omnes enim de Alexandrina missione, tanquam de re, quæ Evangelii scriptionem proxime sit consecuta, loquuntur. Quod ut clarius pateat, ipsorum verba afferam: *Assumpto itaque Evangelio*, ait D. Hieronymus Cap. VIII. de Viris Illustribus, *quod ipse (Romæ) consecerat, perrexit ad Ægyptum, & primus Alexandria Christum annuntians, constituit Ecclesiam, tanta doctrina, & vitæ continentia, ut omnes sectatores Christi ad exemplum sui cogeret.* Eusebius Historiæ Ecclesiasticæ Lib. I. Cap. XVI. *Ceterum hunc Marcum in Ægyptum profectum, Evangelium, quod ipse (Romæ) conscripserat, primum illic prædicasse perhibent, & in ipsa urbe Alexandria Ecclesias constituisse.* Epiphanius demum Hæresi LI. VI. *Itaque post Mattheum statim Marco, qui Romæ S. Petri comes fuerat, scribendi Evangelii provincia committitur. Quod cum fecisset, a B. Petro in Ægyptum mittitur.* Quibus addi possunt Theophylactus Præf. in Comment. in Evang. Marci, Nicephorus Lib. II. Cap. XVI., Martyrologium Romanum, alique probatissimi testes. Quæ cum ita sint, mirum sane est, viros alioquin doctis-

ctissimos, toti antiquitati refragari ausos, nullo propemodum testimonio, nulla auctoritate fultos, sed solis, iisque levibus conjecturis innixos. Quod si cuilibet licitum concedamus, jam nullum est, iterum dico, historiae caput, quamvis evidentissimum, quod prorsus labefactari, & convelli non possit.

XVIII. Tertia contra Aquilejensem Marci Evangelistae Apostolatum difficultas est, praedicationis illius testes antiquiores parum sibi constare. Hermagorae enim Acta, Marcum Evangelistam Aquilejam missum memorant statim post Petri ad urbem Romam adventum. At historia Apostolatus Aquilejensis post victum a D. Petro Simonem Magum. Quod quidem accidisse oporteret, si Marcus Aquilejam profectus esset post Evangelii scriptionem, ut universa Aquilejensium traditio fert; nam tum veteres, tum recentiores inter se consentire videntur, Marcum Romae a fratribus rogatum, Evangelium scripsisse post D. Petri de Simone Mago victoriam. Chronicon Patriarcharum Aquilejensium innuere videtur, non quidem Romae, sed Aquilejae a D. Marco Evangelium fuisse exaratum, ait enim: *Marcus Evangelista, qui ab ore Petri Evangelium scripsit, ex praeccepto B. Petri ad urbem Aquilejam venit; & per plures annos verbum ibi salutis praedicans, Evangelium propria manu scripsit: quod hodie in Aquilejensi Ecclesia omnibus volentibus demonstratur.* Quod penitus fabulosum est. Praeterea Paullus Diaconus auctor est, Hermagoram D. Marci comitem fuisse,

fuisse, qui scilicet cum eodem Aquilejam pervenerit. Quod confirmare videntur Martyrologia Adonis Viennensis, Notkeri, Ussuardi, & Romanum Vetus, in quibus omnibus S. Marci *discipulus* appellatur. Contra vero Andreas Dandulus in Chronicis Lib. IV. Cap. II. *natione Germanum* eum facit, qui ex diutino incolatu habitus sit *Aquilegia civis*. Quod historia Apostolatus Aquilejensis, & Pincius noster confirmant. Porro *vera historia indicium est* (ait Josephus Lib. I. contra Appionem) *si de eisdem rebus omnes eadem dicant, atque conscribant*. Scilicet ut consensus est veritatis, ita dissensio est erroris, ac mendacii luculentissimum argumentum; natura enim sua varia sunt, neque sibi mutuo cohærent, quæ ad libidinem excogitantur.

XIX. Hactenus de Marci ad Aquilejenses prædicatione. Reliquum esset, ut aliquid diceremus de Hermagora, qui primus Tridentinis Evangelium annuntiassè traditur. At cum hujus Acta iisdem fundamentis fulciantur, quibus Marci Aquilejensis Apostolatus innititur, eaque nullius soliditatis, ac roboris sint, ut hactenus demonstravimus; totum id plane corruat necesse est, quod iisdem inædificatur; neque inde certi quicquam elici potest tum quod attinet ad ætatem, tum quod attinet ad Hermagoræ Præsulatum. Illud dumtaxat addiderim, Tillemontii argumentum ex Venantii Fortunati silentio, qui in Vita S. Martini Lib. IV., & Carminum Lib. VIII. Carm. IV., nul-
lam

Iam Hermagoræ mentionem facit inter illustres Aquilejenses Martyres, cum tamen opportunissima cum commemorandi daretur occasio, maximam vim inde sumere, quod Venantius non longe ab Aquileja natus fuerit, quippe qui a Duplavenis valle, præpe Cenetam, & Tarvisum oriundus erat. Negotium pariter non leve exhibet, quod in antiquissimo Florentinii Martyrologio, vulgo D. Hieronymo tributo, in quo ad diem XII. Julii sub *Armigeri*, seu *Armageri* nomine Hermagoram latitare vult idem auctor in Notis, nulla Episcopatus ipsius mentio fiat, cum alioquin Episcopalis dignitas diligentissime adnotari soleat in Martyrologiis.

XX. Sed quod ad S. Hermagoræ ætatem spectat, illud etiam minus commodum videtur, quod ab ipso ad Helarum, seu Hilarium, qui ejus in Aquilejensi Ecclesia successor fuit, atque anno *Æræ Christianæ CCLXXVI.* Episcopus est designatus, spatium interponitur *CCVI.* annorum, quibus sedem vacasse asserunt. Ex quo conjici licet, Hermagoram (si tamen ullus unquam Hermagoras Aquilejensis Episcopus fuit) paullo ante Hilarii tempora, hoc est post dimidium tertii sæculi, floruisse, cui Hilarius non multo post fuerit successus. Neque enim eorum temporum ratio, & Christianorum instituta tam immanem lacunam in Aquilejensium Episcoporum serie admittere nos permittunt; ac Palladii remedium, qui ut eam expleret, ac seriem feliciter continuaret, ab anno *LXX.* ad annum *XCVI.* Hilarium

larium sedisse vult, sequentibus vero Episcopis annos ex arbitrio addit, atque etiam novos invehit Antistites; lepidum sane, ridendumque commentum sanis hominibus merito visum fuit: quod etiam vel ex eo falsi arguitur, quod Hilarium ex editis apud Bollandi Continuatores Actis Tom. II. Martii, sub Numeriano passum fuisse constet. Nullum non movet lapidem sæpius laudatus eruditissimus Vir, ut difficultatem hanc, quæ ex enormi in Ecclesia Aquilejensi hiatu oritur, penitus tollat. Fidem ergo Actorum Hilarii elevat Cap. IV., conjicitque martyrio coronari potuisse anno CCV., vel etiam CLXX., nempe ut quam potest maxime, propiorem Hermagoræ eum statuatur. Sic sequentium Præsulum ætates, successionisque ordinem arbitrato suo figit, transponitque, ac Andrea Danduli calculos, quos ex vetusto Gradenfi Chronico sumebat Venetus Chronographus, penitus respuit. Sed dum repudiatis domesticis, iisque unicis monumentis, ad meras conjecturas confugit, videat quæso Vir doctissimus ne in licentiam ei similem, quam tantopere in suis Candido, & Palladio improbat, ipse quoque incidere videatur. Certe eo loci si quæ ab ipso afferuntur, ut acre ejus ingenium, eruditionem solidam, ac sollertiam incomparabilem probant, pari robore difficultatem quam versat, eliderent; non esset cur Apostolica Hermagoræ ætas ex eo capite detrimenti quicquam timeret. Quæ cum ita sint, assumimus hic de novo quod principio a nobis positum fuit, sci-

licet S. Marci ad Aquilejenses prædicationem, atque adeo Hermagoræ, primo præsertim Ecclesiæ sæculo, Præsulatum, rem incertam, ne dicam commentitiam esse. Quare (ut ad rem nostram tandem revertamur) ex his omnibus illud apertum est, quod etiam si concederetur, Tridentinam Ecclesiam ab Hermagora fundatam fuisse, primumque illius civitatis Episcopum Jovinum ab eo destinatum, quod Pincius asserit nullo veteri monumento adjutus; non tamen inde certo colligi posset, illi affulxisse Evangelii lumen primo, aut secundo Aetæ Christianæ sæculo; ac Jovinum Apostolorum temporibus floruisse.

XXI. Sed instabit fortasse quispiam sacrarum Aquilejæ antiquitatum juratus assertor, qui fieri possit, ut res ceteroquin possibilis, adeo per-vulgata medio præsertim ævo, ficta prorsus ac commentitia sit? Cui bono fabulas hujusmodi venditare? Gratis enim nunquam quemquam mentiri certissimum esse; adeoque raro admodum evenire solere, ut quæ multis jam retro sæculis fama celebrata sunt, omniumque ore protrita, falsa prorsus ac fictitia reperiantur; eorum enim, quæ nunquam fuerunt, ut nulla vis, nulla est natura, ita nec dicendi cuiquam materiam præbere. Quam in rem illud esse Averrois in Paraphrasi in librum Aristotelis de Somno & Vigilia: *Ea, quæ sunt famosa apud omnes, aut sunt necessaria secundum totum, aut secundum partem: impossibile enim est, ut famosum sit falsum secundum totum.* Hæc, quæ verissima sunt, cogi-

cogitanti mihi, illud occurrit, nequaquam gratis mentiri, qui pro asserenda Ecclesiæ suæ vetustate mentitur. Quippe omnes ea pervasit opinio, nec prorsus immerito, maximum decus esse, Evangelii lucem jam inde ab Apostolorum temporibus habuisse. Sed dum attentius mecum ipse reputo ampullosa pleraque, nimiumque fidenter prolata, quæ in Aquilejensium monumentis occurrunt, in quibus Aquileja *famossissima*, & *famossimum Italiae caput* appellatur, Hermagoras vero dicitur *Protos-Episcopus Provinciae Italiae*, qui *super omnes Ecclesias Italiae primatum obtinuit*; ex schismaticis, ventosis hominibus, hæc omnia ortum habuisse mihi perquam verisimile fit. Scilicet ut Constantinopolitani quondam Episcopi, qui ex regiae urbis, in qua degebant, dignitate Romam æquare, Orientique præesse præsumebant, neque tamen eum honorem ab Apostolica institutione trahere valebant, ad fabulam nescio quam de Byzantina Ecclesia ab Andrea D. Petri germano fundata, confugerunt; ita quoque Aquilejenses tempore Schismatis Histriae, quo schismatici illius provinciae Episcopi, abrupta cum quatuor sedibus Patriarchalibus communione, jus Patriarchicum in Aquilejensem Metropolitam trasferre ausi sunt; fabulam illam confarcinasse videntur, ut prima Aquilejensis Ecclesiæ institutione ad Marcum Evangelistam revocata, Apostolum cum Alexandrina communem ostentarent, atque adeo adversus Romanam caput extollere possent, collatamque

per summam audaciam proprio Metropolitæ dignitatem quo jure, quare injuria tuerentur. Id eo fidentius assero, quod constet ex secunda Pelagii II. Summi Pontificis ad Eliam Aquilejensem Metropolitam Epistola, quam affert Baronius ad annum DLXXXVI., eosdem schismaticos Patrum testimonia incongrua, & ad causam suam non pertinentia, ordine ita turbato, libellis Imperatori oblati inseruisse, ut quod scriptum nomine alterius, alterius nominis titulo promeretur. Ex quo pronam schismaticorum ad mentiendum voluntatem, prurientemque fingendi libidinem, arguere licet. Neque vero mirum est, Paullum Diaconum (ex quo scilicet uno ad reliquos manasse ea persuasio videtur) traditionis illius radices vitiatas atque corruptas minime detexisse, eamque lectoribus suis libentissime propinasse; quandoquidem satis constat quam pingui minerva de Schismate illo Histriæ egerit, quamque Ecclesiasticæ Historiæ ignarum se præbuerit Langobardorum Historicus, præsertim Lib. III. Cap. XXVI. de gest. Lang. Simplicitate enim ridenda, ne dicam intollerabili, totam Trium Capitulorum historiam mire pervertit, ac quod in schismaticis illius provinciæ Episcopis culpan- dum erat, Tria nempe Capitula eos acerrime defendisse, probat ipse, laudatque quammaxime; fingitque Smaragdum Patricium, qui eos ad Ecclesiæ unitatem revocare tentaverat, a Dæmone non injuste correptum fuisse. Qua in re a schismaticorum fabellis, quæ sua adhuc

ætate vigeant, deceptum fuisse, nemo fortasse inficiabitur.

XXII. Tertium argumentum, idemque validissimum, quo probamus, Tridentinæ Ecclesiæ exordia multo recentiora esse ac vulgo hætenus creditum fuit, petitur ex difficultate, qua Verbi Divini præcones primis Ecclesiæ sæculis premebantur in Evangelio nationibus divulgando, multoque magis in Ecclesiis erigendis inter gentes idolis deditissimas, & Christianæ religioni, ejusque ritibus infensissimas. Ante Constantinum Magnum, primum inter Romanos Imperatores, qui religionem Christianam aperte professus sit, difficillimum fuit Ecclesias construere, palamque Christi fidem profiteri, idololatriæ scilicet impense faventibus Imperatoribus, Christianosque omni conatu persequentibus. Ut cetera fileam, quibus id demonstrari posset, & argumento utar, quod propius nos attingit, ex harum regionum conditione S. Vigilio florente id manifeste colligitur. Sæculum pæne effluxerat, ex quo pacem Constantinus Ecclesiis dederat, nihilo tamen secius idolorum cultores Tridentinam urbem ferme circumsidebant. In valle enim Anaunia, anno Æræ Christianæ CCCXCVII. a rusticis & Paganis martyrio affecti sunt Sisinnius Diaconus, Martyrius Lector, & Alexander Ostiarius. Paulo post ipsemet Vigilius, non quidem in urbe Tridento, ut scribit Ughellus (ex quo deceptus fuisse videtur Marchio Scipio Massejus Veronæ Illustratæ Part. I. pag. 211.) sed in valle

Randena XXV. M. P. a Tridento diffusa, ut ex ejusdem Episcopi Actis Cap. I. §. VI. liquet, lapidibus obrutus, martyrii palmam adeptus est. Legitur in iisdem Actis Cap. I. §. II. *B. Vigilium* ab Aquilejensi Episcopo *extra muros civitatis Tridentinae*, ad eandem sedem gubernandam, consecratum fuisse; quo loco ita apposite Papebrochius: *Quia scilicet, civibus adhuc majori parte gentilibus, nulladum sacra ades in urbe erat.* Testantur denique paullo post eadem Acta, S. *Vigilium respectu divino animatum*, exisse ad territoria *Veronensium, & Brixianorum, & multitudinem populorum agrestium Christo per baptismum acquisivisse.* Quod argumento est necdum ab illis dioecesibus, quamvis alioquin ante Tridentinam fidem recepissent, gentilium errorum tenebras, inclinante quarto sæculo, omnino pulsas fuisse. Sed quid dicam ab illis dioecesibus? Nonne ab Anonymo, qui Pipino Caroli Magni filio regnante, rhythmicam Veronensis urbis Descriptionem elucubravit, a Mabillonio in Analectis Veteribus editam, memoriae proditum est, S. Zenonem, qui sæculo quarto exunte Veronensi Ecclesiae præfuit, *Veronam predicando ad baptismum reduxisse?* Quæ cum ita sint, mirari interdum subit, fuisse nonnullos, qui tam fidenter sibi persuaserint a S. Petro, vel ab alio ex Apostolis, Episcopos ad hæc, vel illa loca missos, qui statim Ecclesias ea felicitate fundare potuerint, ut iis Antistes alii atque alii non interrupte successerint; veluti si Christianæ religionis res iis temporibus quam-

maxi-

maxime florent, summaque pace fruerentur. Iucunda sane persuasio ea est hominum in antiquitate Ecclesiastica adhuc rudium, atque imperitorum. Si enim contra piorum Principum edicta ac leges, & graviter & frequenter peccatum est, idolorum scilicet everfionem impatienter ferentibus Ethnicis, quid de iis temporibus existimandum, cum ipsimet Imperatores, utpote Gentiles, & idolis favebant, & Christianos rotis viribus persequabantur? Ceterum post Constantini tempora, & ipso etiam Constantino imperante, multum sane universe res Christiana incrementi cepit. Tunc leges sanctissimæ ab eo in Christianorum gratiam latæ, res Ecclesiarum omnes, quæ fisco antea addictæ erant, restitutæ, exilio, bonorum proscriptiōe, ac servitute soluti, qui ob religionis Christianæ professionem ea passi fuerant, falsorum numinum cultus lege lata prohibitus, templa idolorum, & simulacra plurima everti iussa, denique Ecclesiam non solum non vexavit pius Imperator, sed etiam innumeris propemodum bonis auxit ac locupletavit.

XXIII. Verum objiciat hic aliquis, ceteris regionibus Evangelium tum secundo, tum etiam primo sæculo annuntiatum fuisse. Et vero, ut de reliquis sileam, in Galliam primo sæculo Christi fidem illatam fuisse probant ejus nationis viri doctissimi; fundata nempe fuerat a S. Trophimo S. Pauli Apostoli discipulo Arclatensis Ecclesia, Viennensis a S. Crescente Pauli iidem discipulo, Lemovicensis a S. Marciali

uno ex LXXII. discipulis, Narbonensis a S. Paulo Apostolorum discipulo, Parisiensis denique a S. Dionysio Areopagita. Quæ, si vera sint, quis sibi persuadeat in Italia, hoc est in ea regione, in qua Petri cathedra, & Ecclesia principalis, (ut D. Cypriani verbis utar in Epist. LV.) in qua origo unitatis, in qua fons, ex quo rivuli ad reliquas profluxere; Christi fidem tam exiguos progressus fecisse? Accedunt loca pleraque SS. Patrum, quibus evincitur, exteris nationibus, quam longissime a Roma dissitis, satis mature Evangelii lumen affulsisse. Irenæus enim, qui anno circiter CXC. *Æræ* Vulgaris scribebat, hæc apposite ad hanc rem habet Lib. I. Cap. III. adversus Hæreses: *Et si in mundo loquelæ dissimiles sunt, sed tamen virtus traditionis una & eadem est. Et neque hæ quæ in Germania sunt fundata Ecclesia, aliter credunt, aut aliter tradunt: neque hæ quæ in Iberis sunt, neque hæ quæ in Celtis, neque hæ quæ in Oriente, neque hæ quæ in Ægypto, neque hæ quæ in Libya, neque hæ quæ in medio mundi sunt constitutæ. Sed sicut sol creatura Dei in universo mundo unus & idem est, sic & lumen & prædicationis veritatis ubique lucet, & illuminat omnes homines qui volunt ad cognitionem veritatis venire.* Paria profert Tertullianus in libro adversus Judæos §. VII., qui non multo post Irenæum floruit. *Gentilium varietates, ait ipse, & Maurorum multi fines, Hispaniarum omnes termini, & Galliarum diversæ nationes, & Britannorum inaccessa Romanis loca, Christo vero subdita; & Sarmatarum, & Dacorum, & Germanorum, & Scytharum, & abdita-*

rum multarum gentium, & provinciarum, & insularum multarum nobis ignotarum, & quæ enumerare non possumus. In quibus omnibus locis Christi nomen qui jam venit, regnat: utpote ante quem omnium civitatum portæ sunt apertæ, & cui nullæ sunt claustræ: ante quem serræ ferreæ sunt comminutæ, & valvæ aræ sunt apertæ. Sed clarius laudatus Cyprianus Epist. LII. de Novatiano ad Antonianum verba faciens: Cum sit a Christo una Ecclesia per totum mundum in multa membra divisa, item Episcopatus unus Episcoporum multorum concordie numerositate diffusus, ille (Novatianus) post Dei traditionem, post connexam & ubique conjunctam catholicæ Ecclesiæ unitatem, humanam conatur Ecclesiam facere, & per plurimas civitates novos Apostolos suos mittit, ut quadam recentia institutionis suæ fundamenta constituat; cumque jam pridem per omnes provincias, & per urbes singulas ordinati sint Episcopi in ætate antiqui, in fide integri, in pressura probati, in persecutione proscripti, ille super eos creare alios pseudoepiscopos audet. His ut occurramus, illud animo reputandum est, Italiam, ut Imperii sedem, ita quoque Ethnicæ religionis centrum fuisse, in qua summo in honore erat, summaque veneratione colebatur. Quare factum est, ut tum Christiana, tum reliquæ omnibus invisæ, ac despectui habitæ, tamquam execranda superstitiones traducerentur. En quibus coloribus sacrosanctam Christi religionem depingat Romanus scriptor, hoc est Cornelius Tacitus Annal. Lib. XV. Cap. XLIV. Ergo, inquit, abolendo rumori Nero subdi-

dit reos, & quasitissimis pœnis affecit, quos per flagitia inuisos, vulgus Christianos appellabat. Auctor nominis ejus Christus, qui Tiberio imperitante per Procuratorem Pontium Pilatum supplicio affectus erat. Repressaque in præsens exitiabilis superstitio, rursus erumpebat, non modo per Judæam, originem ejus mali, sed per urbem etiam, quo cuncta undique atrocitas, aut pudenda confluunt, celebranturque. Cui concinit Suetonius in Nerone Cap. XVI. Afflicti supplicii Christiani, genus hominum superstitionis novæ ac maleficæ. Quemadmodum igitur difficilius contra leges, atque edicta Principum ab iis delinquitur, qui in ipsa Principis civitate, atque ante magistratum oculos versantur, quam ab illis, qui ultimos imperii fines incolunt; ita quoque operosius erat in Italia, hoc est in ipsa Ethnicæ pravitatis sede, destructis idolis, Ecclesias erigere, ac Christiana doctrina hominum mentes imbuere, quam alibi. Quare etiam si concederemus tum Gallis, tum aliis etiam nationibus universim Evangelium innotuisse, priusquam ejus lumen omnes Italiæ regiones pervaderet, minime id mirum videri deberet, quippe nationes illæ, ut longe ab Imperio distitæ, ita novos quoque, atque extraneos ritus facilius recipere, ac profiteri potuerunt. Verum enimvero cum Irenæi, tum Tertulliani propositiones, non de singulis generum, ut Scholæ loquuntur, sed de generibus singulorum intelligendæ sunt, hoc est illud dumtaxat innuunt, omnibus illis regionibus jam tum Christum innotuisse, atque Ecclesias etiam fuisse fundatas,

qui-

quibusdam scilicet in urbibus, non autem in singulis. Quod si Tertullianus *omnium civitatum portas* Christo reſeratas eſſe ait, *nullas clauſas*, emphatico ejus ſtilo ac rhetoricæ exaggerationi, ipſi ſatis familiari, tribuatur. Nemo enim ſanus ſibi perſuaſerit, univerſam qua late patet Germaniam, ne dicam Daciam, aut Scythiam, Tertulliani ætate Chriſto paruiſſe. Quod vero ad Cypriani locum ſpectat, certo certius eſt S. Martyrem, non de Evangelii prædicatione loqui in ea Epistoſa, ſed de probitate atque integritate Episcoporum ſui temporis, quos Novatiani pseudoepiscopis opponit; quare cum ait *per omnes provincias, & per urbes ſingulas ordinatos fuiſſe Episcopos in ætate antiquos*, & quæ ſequuntur, de iis urbibus intelligit, in quibus Eccleſiæ jam fuerant erectæ: non autem de ſingulis univerſe. Licet enim propoſitio illa generatim ſumatur, tamen, ut a Dialecticæ artis peritis adnotatum fuit, neceſſe eſt aliquando ad huiusmodi propoſitionum veritatem, ut ſecundum diſtributionem commodam, ſeu rei, de qua ſermo eſt, accomodatam accipiatur: non autem ſecundum diſtributionem integram & perfectam, quæ limitationem omnem excludat. Eadem propemodum ratione explicandus eſſe videtur Lactantii locus in libro de mortibus Perſecutorum Cap. II. ubi ait: *Diſperſi ſunt per omnem terram* (Apoſtoli) *ad Evangelium prædicandum, ſicut illis magiſter Dominus imperaverat, & per annos XXV. uſque ad principium Neroniani imperii per omnes provincias & civitates Eccleſiæ fundamen-*

damenta miserunt. Periodum enim annorum, quæ Apostoli Evangelicæ prædicationi operam dedere definiens Lactantius, eam quinto supra vigesimum anno circumscribit, & hoc temporis intervallo eos Ecclesiæ fundamenta jecisse tradit *per omnes provincias, & civitates*, scilicet per omnes eas provincias, ac civitates, in quibus Christi Evangelium annuntiaverant. Nisi quis malit Lactantii propositionem universaliter moraliter, ut ajunt, accipere, ut de pluribus & celebrioribus provinciis & civitatibus intelligendus sit, non autem omnino de singulis. Is enim in communi hominum sermone obtinuit usus, ut quædam universe affirmantur, quæ licet exceptionem non minimam patiantur, pro more tamen & consuetudine ab omnibus ut talia admitti solent.

XXIV. Quartum argumentum sumimus ex finitimarum Ecclesiarum cum Tridentina collatione, quas, si quis rem ad veritatis trutinam revocare velit, S. Vigilii Tridentini temporibus, hoc est inclinante sæculo quarto, non multos Episcopos habuisse comperiet. Quo tempore Tridenti fulgebat Vigilius, Veronensibus Syagrius, Brixienfibus vero S. Gaudentius præerat. Ante Syagrium autem Veronensis Ecclesia non plures quam octo Episcopos numerat, septem vero Brixienfis ante Gaudentium. Vincentini ad annum CCCLXXXIX., qui Vigilii ætati responderet, S. Apollonium ponunt, ante quem quatuor tantum Episcopos habent. Eo tempore etiam tres dumtaxat Bergomum numerant.

merabat: Sabiona vero, cujus Ecclesia Brixinam postmodum translata fuit, prorsus nullum. Quid plura? Ipsamet Aquilejensis Ecclesia ante S. Chromatium, qui vixit circa annum *Æræ Christianæ* CCCXC., novem tantum Præsules recenset. Porro qui fieri potuit, ut Tridentum intra alpium fauces, ac montium juga positum, idolorum cultoribus undique circumvallatum, longe remotius a fidei centro, hoc est Roma, quam reliquæ civitates; tam mature & fidem recipere, & Ecclesiam erigere potuerit, ut Vigilius decimus nonus ejusdem Ecclesiæ Præsul dicendus sit? Vigili ætate finitimas Ecclesias paucos numerasse Episcopos diximus, si quis rem mature perpendat. Multo enim plures reperiatur, qui ad vulgares earum civitatum scriptores confugiat. Ii namque tum unius Episcopi loco duos numerantes, tum nomina vel temere fingentes, vel ex apocryphis, aut nullius auctoritatis monumentis colligentes, eo rem deduxere, ut quælibet civitas vel a temporibus Apostolicis fidem se recepisse gloriari possit, amplissimamque ac minime interruptam suorum Præsulum seriem ostentare.

XXV. Diximus quoque, ut hoc obiter moneam; Sabionensem Ecclesiam sæculo quarto inclinante nondum constitutam fuisse, quamquam noverim, vulgo existimari S. Cassianum, qui Fori-Cornelii martyrium subiit, primum illius Ecclesiæ Antistitem fuisse, quem Hundius in Metropoli Salisburgensi, Bucelinus Part. I. Germaniæ Sacræ, aliique, ad annum *Æræ* Vulgaris

garis CCCL. vel CCCLX. revocant. Prudentius enim (hoc est antiquior, & quidem probatissimus, Cassiani actorum testis) in libro *περί σεράων* Hymn. IX. auctor est, Cassianum professione caligraphum fuisse, munusque docendi pueros litteras efformare multo ante quam persecutio adversus Christianos orta esset, Fori-Cornelii exercuisse; nec verbum addit de illius Episcopatu, quem pariter reticent cum veteres omnes, qui de S. Cassiano Martyre scripserunt, tum etiam omnia Martyrologia, in quibus Episcopalem dignitatem diligenter exprimi consuevissent, superius admonuimus. Quæ porro consensus inter Sabionensem Episcopum, & Forocorneliensem ludimagistrum? A Paganis e propria sede ejectum, cum peregrinationis gratia Romam contenderet, Fori Cornelii confedissee ajunt. At quis credat in Italia post Constantini tempora, quibus Christi fides ubique triumphabat, Episcopum, & Confessorem adeo vili & abjecto officio detineri potuisse? Negantis argumenti infirmitatem positivo & ajente aliquo robaremus. Poeta anonymus, qui aliquanto post IX. sæculi initium opusculum scripsit de Ordine Comprovincialium Pontificum, a Mabillonio editum pag. 347. Analectorum Veterum, disertissimis verbis tradit, Ingenuinum, qui dumtaxat inclinante VI. sæculo floruit, primum Sabionensis Ecclesiæ Antistitem fuisse:

Hæc sedes vallis Noricane dicta Sebana,

Ingenuinus habens primo quam rexerant almus.

Corrigendos esse ex eo opusculo vulgatos Episcopo.

scoporum elenchos, recte monet CL. Editor in suis ad id Adnotationibus. Sane cum dubius aliquando hærerem circa Brixinensem Cassiani Præsulatum, quod quæ ex Prudentii, aliorumque silentio difficultas oritur, non mihi satis esse videretur ad Ecclesiæ illius traditionem penitus evertendam; ut primum monumentum hoc mihi detegere licuit, in eam statim propendere opinionem cœpi, quæ, Cassiano excluso, Ingenuinum primum illius Ecclesiæ Episcopum statuit. Neque vero auctoritati carminis illius, propria vetustate conspicui, quicquam officit, auctorem a nobis ignorari, *Ipsa enim re, non scriptoris nomine* (ut recte ait doctissimus Vir Marianus Victorius in Censura Tom. IX. Oper. S. Hieronymi) *veritas, aut probatur, aut adulteratur.* His omnibus addendum est: si Cassianus Martyr statuatur primus Sabionensis Episcopus, fatendum simul esse, eam Ecclesiam ante Constantinum Magnum constitutam fuisse; Prudentius enim, qui circa annum Æræ Vulgaris CCCLXXX. floruit, *vetusti temporis historiam* vocat Cassiani martyrium; eodemque teste S. ille Martyr in sæva & generali Christianorum persecutione sublatu est:

Ecce, fidem quatiens tempestas sæva premebat

Plebem dicatam Christianæ gloriæ:

qualis profecto post Constantini tempora in Italia nulla fuit. Porro enormis lacuna trium ferme sæculorum in Ecclesia Sabionenfi admittenda esset, a Cassiano scilicet ad Ingenuinum, quod fidem omnem excedit.

XXVI. Quæ contra sententiam hanc Brixinenses afferre possunt, duo ferme sunt, eaque non magni sane momenti. Primum quidem est, in duobus Diplomatis, altero Ludovici III. anni CMIX., altero Conradi II. anni MXXVII. quæ Gewoldus affert in Notis ad Hundii Metropolim Salisburgensem pag. 315. & 316. edit. Ratisponens. MDCCXIX., mentionem fieri *Sabionensis Ecclesiæ, quæ est constructa in honore S. Cassiani Martyris, itemque S. Brixinensis Ecclesiæ in honore SS. Cassiani Martyris, nec non & Ingenuini Confessoris constructæ.* Alterum argumentum est, schismaticos Histriæ Episcopos, inter quos Ingenuinus noster, in supplici libello, quem Mauritio Imperatori obtulerunt, *decessores suos* nominare. Non igitur primus fuit Sabionensis Episcopus Ingenuinus (inset Bollandus ad diem V. Februarii in Commentario Historico §.XXXVIII) si *decessores* suos memorat, immo nec secundus, sed saltem tertius. Ad primum quod attinet, non repeto hic quæ superius notavimus, quam facile nimirum populares errores in huiusmodi Diplomatis recipi soleant. Illud monuisse sufficiat, nullam Episcopatus Cassiani mentionem neque a Conrado, neque a Ludovico haberi; quare nihil inde elici potest, præterquam Cathedrales tum Sabionæ, tum Brixinæ Ecclesias S. illi Martyri olim fuisse consecratas, de quo nulla est disputatio. Quod ad Bollandi illationem spectat, ea porro minoris momenti est. *Decessores* suos nominant schismatici Episcopi in Epistola ad Mauritium, non

Qui-

quidem singillatim, sed simul omnes, seu in globo, ut Scholæ loquuntur. Respective igitur, ut ajunt, assertio illa intelligenda est, non vero absolute, respectu scilicet eorum Episcoporum, qui decessores revera in suis Ecclesiis habuerant, non autem respectu Ingenuini, quem certe primum fuisse fatendum est, contra vulgarem, recentemque opinionem; cujus ceteroquin testem nullum hactenus mihi reperire licuit antiquiorem Bartholomæo Tridentino in opere MS. superius a nobis laudato, quod Romæ vidimus in Bibliotheca Barberina. Hæc cum ita sint, minime assentior pluries jam memorato CL. Bernardo de Rubeis, qui Cap. XX. §. I. Monumentorum Ecclesiæ Aquilejensis per *partes Italia finitimas* Rætias primam, & secundam (cui ceteroquin Sabiona accensebatur) intelligendas esse vult in iis D. Ambrosii verbis Epist. LXII. ad Ecclesiam Vercellensem: *Conficior dolore, quia Ecclesia Domini, quæ est in vobis, Sacerdotem adhuc non habet: ac sola nunc ex omnibus Liguriæ, Æmiliæ, Venetiarumque, vel ceteris finitimis Italia partibus, hujusmodi eget officio.* Satius enim, commodiusque existimaverim (quæ aliorum etiam sententia fuit) per *partes Italia finitimas*, regiones Illyricas intelligere.

XXVII. Vulgaris etiam inde Tridentinorum traditio infirmatur, quod incredibile propemodum videatur, si tot ante Vigilum Tridentini Pastores floruissent, quomodo Idolorum cultores ac Pagani tam prope abessent a civitate.

Diximus enim superius in valle Anaunia, quæ duodecimo tantum lapide ab urbe distat, Sissinnium, Martyrium, & Alexandrum, supplicio affectos fuisse, quod falsorum numinum cultum inde amovere conati essent: diximus S. Vigilio floreante Tridentinos cives magnam partem Gentiles adhuc fuisse, ipsumque Vigilium pro Christi fide a Gentilibus suæ diœceseos lapidibus obrutum. Quis hæc cum fervore eorum temporum, atque incredibili illorum Pastorum Evangelium dilatandi, Paganosque ad Christi fidem convertendi cupiditate, simul conciliare possit? Quis credat decem & octo ante Vigilium Antistites, tam alte stertisse, ut Domini vineam per quatuor propemodum sæcula inculcram, spinisque atque urticis undique circumseptam, misere silvescere passi sint? Duodecim circiter M. P. Anauniam a Tridento abesse dixi, ut testatur etiam Pincius initio Lib. VI., & res per se satis nota est; quamvis Vigilus noster etiam multo eam civitati propiorem faciat, ita enim ait in Epist. ad Joannem Constantinopolitanum §. II. *Positus namque (cui inquilinum est Anagnia vocabulum) locus viginti quinque stadiis a civitate divisus, tam perfidia, quam natura angustis faucibus interclusus.* Si enim stadium octava milliarii pars sit, ut ex Plinio Lib. II. Cap. XXIII. colligitur, paullo plus quam tribus P. M. Anauniam a Tridento divideret Tridentinus Præsul. At *viginti quinque milibus*, hoc est passuum eo loco legendum esse trium Martyrum Acta a Surio edita Tom. III. die

die XXIX. Maii, ostendunt. Neque tamen ea distantia ad vallem Anauniam, cui nullo modo convenire potest, referenda, quod ea Acta faciunt, sed potius ad locum ipsum, in quo sancti Martyres passi sunt. Monet enim Pantaleon Bortius, Celsissimi Tridentinorum Episcopi, ac Principis Vicarius Generalis, Vir antiquitatis Ecclesiasticæ, optimarumque artium studiosissimus, quem honoris causa nomino; viginti quinque circiter P.M. a Tridento distitum esse locum, nomine *Mechel*, in valle Anaunia, cujus qui finitimi sunt rustici, interfectores fuisse trium Martyrum Anauniensium vetus quædam traditio ferat, de qua Pincius etiam testis: ex quo conijcit Vir eruditus in memoratis Surii Actis non *Metho*, sed *Meelo* legendum esse. Lectionem hanc, quamquam ex ingenio excogitatam, tamen ex superius laudato Bartholomæo Tridentino confirmari, adnotavimus in Epistola ad V. CL. Ludovicum Antonium Muratorium de Tridentina medii ævi Topographia, ubi fusius hac de re disputatum. Quare castigandi Daniel Papebrochius in Notis ad Vigilii Acta Tom. V. mensis Junii, Theodoricus Ruinartius in Admonitione in martyrium Sisinnii & sociorum, Claudius Fleury in Historia Ecclesiastica ad annum CCCXCVII., Samuel Basnagius in Annal. Eccles. Tom. III. ad eundem annum §. V., & alii, qui Vigiliano textu decepti, Anauniam tribus tantum milliariis & uno stadio a Tridento distare asserunt; quibus addendi Natalis Alexander in Synopsi Histor. Eccles. V. sæculi

Cap. I. Baronius in Annal. ad an. CCCC. §. IV. Lubinus in Martyrologio Romano Illustrato, Lippelous ad diem XXIX. Maii, & alii, ex Surianorum Actuum fide XXV. M. P. eam a Tridento dividentes, quod pariter absurdum est.

XXVIII. Stabilitur tandem sententia nostra ex S. Vigili Actis a PP. Bollandistis editis Tom. V. mensis Junii, ex quibus manifeste colligitur, S. Martyrem in serie Tridentinorum Episcoporum tertium dumtaxat locum obtinere. Hæc enim ibi leguntur Cap. I. §. I. *Reversus itaque (Vigilius) a studiis ab Athenis, vel urbe Roma (vel pro eo, familiari sequioris præsertim ævi scriptoribus loquendi more) in civitate Tridentina resedit, impleturus propositum sanctæ religionis, Deo, more Apostolorum, jam ordinatus dictæ civitatis Episcopus a primo tertius.* In Bibliotheca Capitulari Canonice Veronensium MSS. aservantur eadem Acta, quæ quamvis a Bollandianis multum verbis dissideant, re tamen conveniunt, eamque sententiam ita exprimunt: *Ut dignus in prædicta urbe Pontificatus tertio loco susciperet dignitatem.* Quem locum sic pariter exhibent Acta, a Donato Færio post Kalendarium Tridentinum in Officio S. Vigili proprio edita Venetiis anno MDLX. Verum quidem est Vigili Acta quæ proferimus, non omnino sincera esse, quippe quibus multa addita, aliqua mutata, aut detracta sint, Attamen ad selectiora & integriora accedere testis est Papebrochius, qui in suo ad ea Commentario præ-

prævio, hoc de iis fert iudicium: *Itaque his omis-*
sis, sola prima damus, si non omnino primigenia,
tamen (excipiendo quædam sub finem addita, vel
mutata, & priores fortassis lineas) primigeniis pro-
xima. Utcumque res habeat, quod attinet ad
 S. Vigilii gesta nullum neque antiquius, neque
 sincerius testimonium proferri potest; proinde-
 que piaculum esse duxerim, qualecunque illud
 sit, ab eo recedere, donec saltem clarior lux
 nobis affulgeat. Quare valeant commenta,
 valeant piorum impostorum fraudes, e qui-
 bus nullum religioni emolumentum, historiæ
 autem detrimenti plurimum promanat; steterque
 inconcussa a nobis initio proposita veritas, hoc
 est Tridentinæ Ecclesiæ primordia non a tem-
 poribus Apostolicis, sed post dimidium quarti
 sæculi repetenda esse, ac S. Vigilium, non de-
 cimum octavum, aut decimum nonum ejusdem
 Ecclesiæ Antistitem esse, sed inter primos re-
 ferendum.

XXIX. Verum nihil propemodum a nobis hu-
 cusque actum esset, nisi difficultas quædam con-
 velleretur, quam satis scio fucum non paucis
 facturam. Refert Pincius initio Lib. I., nonnul-
 los opinatos esse, qui a Jovino usque ad Cy-
 riacum Tridentini Episcopi numerantur, eos
 non Episcopos, sed Sacerdotes tantum fuisse.
 Quam opinionem ex eo vim capere existimat
 auctor ille, quod apud aliquos scriptores, ut
 ipse quidem tradit, inveniatur, Jovinum ani-
 marum Curatorem dumtaxat ac Presbyterum
 fuisse, Cyriacum vero primum Tridentinæ Ec-

clerae Episcopum. Sed quoniam, ut idem affirmat, qui sacros annales scripsere, Jovinum primum Tridentinorum Pontificem appellant, Vigilium vero decimum octavum faciunt; ita hæc facillime conciliari posse putat ex mitrae usu. Ait enim in prima Ecclesia Presbyteros, quos Pastores vocabant, nihil ab Episcopis diversos fuisse, nisi quod hi mitra uterentur, illi baculum tantum pastorale gererent, cum tamen ex antiquis Ecclesiae institutis Episcopi essent. Quare ex eo factum suspicatur, ut qui a Jovino usque ad Cyriacum Tridentinam Ecclesiam rexerunt, quamquam caractere, ac potestate Episcopis haud fuerint inferiores, quoniam tamen baculo, non mitra uterentur, ideo Episcopos non fuisse existimatos: Cyriacum vero, quod mitrae ornamento primus sit decoratus, ideo primum Tridentinorum Episcoporum vocatum.

XXX. At nugæ profecto sunt, eaque vanissimæ. Primo quidem qui existimarunt Tridentinos Pastores a Jovino usque ad Cyriacum Sacerdotes fuisse, quid aliud existimarunt, quam fuisse Episcopos? Quid enim in prima præsertim Ecclesia *Sacerdotis* nomen cum apud Græcos, tum apud Latinos sonabat, nisi Episcopi, aut Pontificis? *Romanæ Ecclesiæ Sacerdotem* vocat Damasus Summum Pontificem Ambrosius Lib. V. Epist. XXX. nunc Class. I. Epist. XVII. Auctor libri *de dignitate Sacerdotali*, eidem Ambrosio perperam tributi, & S. Jo. Chrysostomus in libris *de Sacerdotio* non nisi de solis Episcopis agunt.

agunt. Sed quid opus est loca referre, cum apud veteres Patres, præcipue apud S. Cyprianum, id passim observari possit? Sequiori ætate ad Presbyteros quoque vox translata, quæ prius solis fere Episcopis tribui solita. Hinc Rabanus Maurus Lib. I. de Instit. Cler. Cap. V. *Sacerdos*, ait, *vocari potest, sive Episcopus sit, sive Presbyter*. Adde in Udalriciano Elencho, superius a nobis memorato, eos omnes *Sacerdotes, & Episcopos* vocari. Deinde vero quinam sunt scriptores isti, qui tradunt, Jovinum animarum Curatorem fuisse, Cyriacum vero primum Tridentinorum Episcopum? Neque enim quisquam a Pincio laudatur. Sed demus rem ita esse, quid aliud sonat Græcum *Episcopi* vocabulum, quam Curatorem, atque Inspectorem? Quod adeo verum est, ut ea de causa etiam Principibus sæcularibus aliquando tributum sit, ut Constantio, Carolo Magno, Adgaro Regi Angliæ, & Constantino, qui *communis Episcopus* apud Eusebium vocatur. Quare qui Jovinum animarum curatorem faciunt, illi Episcopum etiam agnoscunt, ut enim recte ait Augustinus Lib. XIX. de Civitate Dei Cap. XIX. *Episcopatus nomen est operis, non honoris*. Græcum est enim, atque inde ductum vocabulum, quod ille, qui præficitur, eis quibus præficitur *superintendit, curam eorum scilicet gerens*: ergo ἐπισκοπεῖν si velimus, latine *superintendere* possumus dicere; ut intelligat non se esse Episcopum, qui præesse dilexerit, non prodesse. Venio nunc ad mitram, qua primis Ecclesiæ sæculis Episcopos ornatos fuis-

se tradit Tridentinus Historiographus, Pastores vero, aut animarum Curatores non item. Sed unde quæso eruditionem hanc hausit? Pergratam sane rem fecisset, si testem aliquem nominatim protulisset, cum acerrima sit inter antiquitatis Ecclesiasticæ peritos de mitræ usu concertatio, quibusdam eum a temporibus usque Apostolicis repetentibus, aliis vero multo recentiorem esse contendentibus. Et vero nullam mitræ mentionem fieri inter ornamenta Pontificum apud veteres auctores, qui de Divinis Officiis scripsere, aut in Sacramentariis, vel veteribus Liturgiis, a doctissimis viris observatum est, adeo ut vix ante annum millesimum ea tribuatur Pontificibus & Episcopis; primique scriptores, qui aliquam ejus mentionem faciunt, sint Petrus Damiani, Hugo Flaviniacensis. S. Bernardus, Honorius Augustodunensis, & alii, qui post X. sæculum floruerunt. Id in causa fuit, cur Onuphrius Panvinius, Hugo Menardus, aliique sæculo dumtaxat Ecclesiæ X. cum usum invaluisse opinati sint. Accedit S. Isidori Hispalensis auctoritas, qui Lib. XIX. Cap. XXXI. Originum, mitræ usum Episcopis aperte negat, ait enim: *Mitra est pileum Phrygium caput protegens, quale est ornamentum capitis devotarum. Sed pileum virorum est, mitra autem feminarum.* At non defuerunt Ecclesiasticæ disciplinæ perscrutatores sollertissimi, qui mitræ antiquitatem tueri aggressi sunt, eamque validis argumentis propugnarunt. Tot clarissimorum virorum dissensiones facillime com-

poni

poni posse putat Jo. Cardinalis Bona Rerum Liturgicarum Lib. I. Cap. XXIV. §. XIV. si dixerimus, mitram quidem, qualis est hodie, nuperum ornatum esse, qui ante millesimum Christi annum vix fuerit in Ecclesia: negari tamen non posse, quin a temporibus Apostolorum aliquod fuerit capitis ornamentum, quo peculiariter, si non omnes, aliqui saltem Episcopi usi sint. Quod ad posteriora Ecclesiæ sæcula attinet, aliam difficultatis hujus enodandæ viam inquit Jo. Mabillonius in Præfatione in Sæculum IV. Benedictinum Part. II. §. CLXXXII. Probat enim mitræ usum omnibus & singulis Episcopis non fuisse communem, sed iis dumtaxat, quibus ex Sedis Apostolicæ privilegio concessum erat. Porro ex duabus hisce opinionibus utram mavult eligat Pincius, se ipsum confodiat, suamque ipse sententiam destruat, necesse est. Sive enim mitræ usum apud Episcopos semper in Ecclesia obtinuisse statuimus: & hac ratione Cyriacus Tridentinus Episcopus minime primus ea usus fuerit; sed præcessoribus quoque communis fuit, atque adeo suis illis animarum Curatoribus, qui revera, ipso etiam fatente, unum idemque cum Episcopis erant. Sive eum X. tantum sæculo cœpisse opinamur: & hoc modo neque Cyriacus, neque qui eum proxime sequuti sunt Episcopi longissimo intervallo, eo ornamento condecorari potuerunt. Quare illud pro certo habeat Pincius baculi ac mitræ distinctionem a se excogitatam, inter futilia & inania prorsus esse pon-

nendam; atque ineptire omnino dicendi essent, qui ea ratione explicanda atque intelligenda esse S. Vigili Acta superius a nobis allata, contenderent. Neque tamen inficias iverim, primis Ecclesiae saeculis fuisse viros sacro charactere ab Apostolis insignitos, qui varias regiones peragrantes Christi Evangelium promulgaverint, gentesque ad fidem converterint; ac potuisse fieri, immo fortasse factum fuisse, ut eorum aliqui etiam Tridentum appulerint. Sed cum ii certas sedes minime haberent, perpetuoque labore huc illucque contenderent, ut Evangelium in universam terram diffunderent; non magis Episcopi Tridentini, quam reliquarum civitatum Pastores dicendi forent. Quare fatendum omnino est, nullo fundamento tot ante Vigilium Tridentinos Praesules recenser, veteribus praesertim monumentis, ac ratione ipsa reclamantibus.

XXXI. Hæc longius fortasse quam par erat, persecuti sumus, tum quod satis celebris videretur ea Pincii distinctio, tum etiam quod V. CL. Daniel Papebrochius in Notis ad S. Vigili Acta a se edita, eam ita lectoribus proponat, ut neque rejicere, neque approbare videatur. Neque tamen quæ a nobis hætenus in eam rem dicta sunt, eo sensu a quoquam accipi velim, quasi nostra sententia esset, primis Ecclesiae saeculis nullum inter Episcopum, & Presbyterum discrimen fuisse. Absit a nobis falsa illa Aerii, & recentiorum Heterodoxorum opinio. Hoc duntaxat innuere in animo fuit,

si Jo.

si Jovinus, & qui eum ad Cyriacum usque secuti sunt, pastorale baculum acceperunt, ac Tridentinam Ecclesiam administrarunt, quamquam fortasse redivisibus pinguioribus, & sede ornatiori caruerint, proindeque aut Pastores, aut Sacerdotes, aut animarum Curatores, aut etiam Presbyteri nominentur, eos tamen & fuisse revera Episcopos, & vocari debere; ut enim recte Hieronymus ait in Epist. Cl. ad Evangelum, *Potentia divitiarum, & paupertatis humilitas, vel sublimiorem, vel inferiorem Episcopum non facit.*

XXXII. Sed inquiet hic fortasse aliquis, nihil obitare quominus primis Ecclesiæ sæculis, in tanta hominum, qui Episcopatu digni haberentur inopia, a solis Presbyteris seu Parochis, vel si maris Chorepiscopis, qui tamen dumtaxat Presbyteri erant, Tridentinam Ecclesiam fundatam, ac rectam fuisse dicamus. Quo modo Japoniorum, & Sinarum Ecclesiæ fundatæ sunt, & diu etiam sine Episcopis gubernatæ; multæque Novi Orbis Ecclesiæ eadem ratione a solis, ut vocant, Missionariis, qui & Verbi Divini, & Sacramentorum ministerio in illis regionibus vacabant, administratæ fuerunt. At contra est. Primo enim quod ad Chorepiscopos attinet, præterquam quod eorum ordinem circa finem III. sæculi institutum fuisse, ex eo probetur, quod Chorepiscoporum in antiquis Ecclesiæ monumentis ante IV. sæculi exordium nulla prorsus occurrat memoria; illud

illud insuper notandum est, Chorepiscopos fuisse Presbyteros aliquo jurisdictionis Episcopalis privilegio adauctos, qui in pagis ac vicis Episcopi partes gerebant; unde a Ferrando Diacono in Breviatione sacrorum Canonum Tit. LXXIX., S. Isidoro Hispalensi in Lib. II. Cap. VI. de Officiis Ecclesiasticis, Rabano Mauro in Lib. I. Cap. V. de Institutione Clericorum, & aliis, *Episcoporum Vicarii* nuncupati sunt. Porro quis sibi fingat Episcopi Vicarium ubi Episcopus nullus sit? Quis credat Tridentinam Ecclesiam, ab iis gubernatam fuisse, qui Ecclesias, quæ in agris erant, administrabant? Adde ex Rabano, & Isidoro locis laudatis, eos a solo Episcopo civitatis, cui adjacebant, fuisse ordinatos, non aliter atque Presbyteri. At Parochi fortasse fuerunt primi illi Tridentinorum Pastores. Demus tales fuisse, certe eos ab aliquo Episcopo illuc missos oportet. Quod si res ita habeat, cur non eos potius ab Episcopo illo impositione manuum Episcopali character insignitos fuisse dicamus, ut Episcopi munia Ecclesiis necessaria obire possent, ut Confirmationis Sacramentum ministrare, sacrum Chrisma conficere, altaria consecrare, præcipue vero Sacros Ordines conferre, ut Diaconos, & Presbyteros alios Ecclesiæ suæ compararent? Certe Tridentinæ Ecclesiæ rebus male cavisset Episcopus ille, quicumque tandem fuerit, qui Presbyteros tantum ad eam misisset, cum Episcopos mittere posset; neque enim minori

nori pietatis, ac doctrinæ fama primis illis Ecclesiæ temporibus opus erat ut quis Presbyter ordinaretur, quam ut quis consecraretur Episcopus.

XXXIII. Urgeri tamen adhuc posset præcipue ex Ecclesiastica Scotiæ historia, ex qua constat Scotos a Presbyteris, & Monachis primum ad Christum conversos, & in Christiana religione institutos; illorumque Ecclesias plurimum annorum spatio ab illis administratas fuisse. Ita enim rem memorat Joannes Fordonus *Scotic. Chronic. Lib. III. Cap. VIII. Ante Palladii adventum* (qui anno CCCCXXX. a Summo Pontifice Episcopus ordinatus est) *habebant Scoti fidei doctores ac Sacramentorum ministratores Presbyteros solummodo, vel Monachos, ritum sequentes Ecclesiæ primitivæ.* Idem testantur Joannes Major de gestis Scotorum *Lib. II. Cap. II.* Hector Boetius Scotorum *Histor. Lib. VI., & alij.* Quid igitur obstat, opponere posset aliquis, quominus Christianam fidem eadem ratione etiam apud Tridentinos satam fuisse dicamus, atque auctam, per Presbyteros scilicet, ac viros Apostolicos, qui eam Ecclesiam usque ad Cyriacum gubernaverint? At id nullo negotio refelli potest. Quidquid enim sit de primis rei Christianæ exordiis, primisque Verbi Divini præconibus apud Scotos, illud constat, *Pontificem inter se communi suffragio ex Monachis, & Culdeis* (hoc est Colideis, seu Dei cultoribus) sibi deligere fuisse solitos, *penes quem divinarum rerum esset potestas;* ut Hector Boe-

Boetius loco laudato, & Lib. VII. testatur. Porro minime ambigendum est, quin Pontifices illi ad vicinarum Ecclesiarum Episcopos missi fuerint, ut ab iis consecrarentur. Palladius vero a primis illis distinguitur, non quod is primus fuerit apud Scotos Episcopus, sed quod primus a Romano Pontifice ordinatus sit, atque in Scotiam directus, neque ex Culdeorum collegio sit assumptus, contra vetustissimum Scotorum morem. Quare manifestum est, nihil inde colligi posse, quo Tridentinam Ecclesiam Apostolorum ævo fundatam fuisse evincamus, & a Presbyteris, seu Parochis administratam.

XXXIV. His in tanta antiquitatis caligine, quantum per rerum obscuritatem fieri potuit, enucleatis, inquirendum nunc esset, quisnam ex iis, qui jam explosi sunt, Tridentinis Episcopis, primus, quisnam vero secundus ordine censendus sit, cum satis constet, S. Vigilium tertio loco ponendum esse. Ac de secundo quidem fidenter pronuntiaverim non nisi Abundantio eum locum convenire posse, ei nempe, qui Aquilejensi Concilio subscripsit. Cum enim temporis ratio id evidenter evincat, minime ambigendum est, quin proxime ante Vigilium sit collocandus. De primo major est difficultas. Cyriacum primum Tridentinæ Ecclesiæ Episcopum fuisse ab aliquibus memoriæ proditum esse ait Pincius, idemque affirmat, Jovinum apud sacrorum annalium scriptores, primum Tridentinorum Pontificem appellari. Si testes nominatim protulisset, iudicium ferre liceret, quibus

quibus potior fides habenda esset. At eo neminem afferente, simulque deficientibus veteribus monumentis omnibus, nihil est nobis temere definiendum. Verum quidem est, Jovinum ab omnibus, quos hactenus viderim, primum Tridentinorum Prælulum statui. Ita habet Udalricianus Elenchus, idemque testatur Bartholomæus; vetustiores scilicet auctores, qui de Tridentinorum Pontificum serie aliquid memoriæ prodiderunt. Quare securius duxerim eam prærogativam Jovino tribuere, cum primorum Evangelii præconum fama satis conspicua sit, ac suspicari liceat ideo Jovini, non vero Cyriaci nomen vulgo celebratum.

XXXV. Sed numquid nobis persuasum erit, quindecim aut sexdecim post Jovinum, vel si mavis Cyriacum Episcopos, omnino commentitios esse, atque incredibili quorundam temeritate in Episcoporum seriem inductos? Equidem cum diu multumque hæc mecum reputassem, minime asserere dubitabam ita prorsus fuisse factum; cum præsertim exemplo rem non carere satis mihi compertum esset. At succurrit postea ratio, qua non conficti, & adventitii, sed potius transpositi videri possint, quæ est hujusmodi. Inter Vigilium, & Agnellum, qui in vulgaribus elenchis quartum & vigesimum locum obtinet, duo integra sæcula intercedunt, neque tamen plures quam quinque Episcopi in iis numerantur, scilicet Agippus, Quartinus, Peregrinus, Gratiolus, & Theodorus. Porro quis credat in tam longo temporis inter-

intervallo Tridentinæ Ecclesiæ regendæ quinque tantum Præsules electos fuisse? Singulos enim quadragenis annis Episcopalem sedem tenuisse fateri cogeremur, quod fidem omnem excedit. Quare suspicari licet, plures eorum, qui ante Vigilium positi sunt, ut series cum temporibus Apostolicis connecteretur, transponendos esse, ac post Vigilium collocandos. Plures inquam, non omnes; cum quidam temere in duos veluti secti ac duplicati videantur, ut Abundantius, Magroninus, Theodorus, ac Guarinus, qui in Udalriciano Elencho *Quartus* nominatur, proindeque non alius videtur esse a Quartino Agippi successore: quidam vero ex S. Vigili Actis desumpti videri possint, ut Claudius, & qui ei proxime succedit Magnosius, qui in Udalrici Catalogo *Claudianus*, & *Magorinus* appellantur. De Claudiano enim, & Maurigurio, seu, ut alii legunt, *Magoriano*, germanis fratribus S. Vigili, in ejusdem Actis mentio est Cap. I. §. VII., unde in Tridentinorum Episcoporum seriem verisimillimum est perperam irrepisse.

XXXVI. Huic disputationi finem facere hic debuissimus, nisi, cum tam sæpe Vigilii Tridentini Episcopi ac Martyris mentio a nobis facta fuerit, consentaneum videretur aliquid etiam de ipsius scriptis, ac de reliquis ad ejus res gestas pertinentibus, leviter saltem attingere. De eo igitur ita Gennadius in Lib. de Viris Illustribus Cap. XXXVII. *Vigilius Episcopus scripsit ad quendam Simplicianum in laudem Martyrum Libellum,*

Libellum, & *Epistolam continentem gesta sui temporis apud Barbaros Martyrum*. Bartholomæus legit: & *apud Barbaros martyrium*. Quæ, licet obscure, innuere tamen videntur Epistolam ad Simplicianum de martyrio Sisinnii ac Sociorum, & alteram ejusdem argumenti ad Joannem Constantinopolitanum missam: cum nemo nesciat *libri*, ac *libelli* nomine, præcipue apud Patres, epistolas aliquando designari. Hunc postremum non alium esse posse a S. Joanne Chrysostomo inter se consentiunt viri eruditi omnes. Etiam Simplicianum hic memoratum, eum esse, qui post S. Ambrosium Ecclesiæ Mediolanensi præfuit, testantur idem Bartholomæus in Vita Sisinnii & Sociorum, Pincius Lib. I. de Vitis Pont. Trid., Baronius in Notis ad Martyrol. XXIX. Maii, & XXVI. Junii, & in Annal. Eccles. ad annum CCCC. §. II., Joannes Maria Brasichellensis in Indice librorum expurgandorum pag. 134., Vossius Lib. II. Cap. X. de Historicis Latinis, Aubertus Miræus in Notis ad Gennadium Cap. XXXVI. & sequenti, Ughellus Tom. V. Italiæ Sacræ in Episcop. Trident., Daniel Papebrochius in Commentario prævio ad S. Vigiliæ Acta, & alibi (quamquam in Notis ad eadem Acta, per imprudentiam scilicet, S. Ambrosio Vigiliæ eam Epistolam misisse asserat) Theodoricus Ruinartius in Admonitione in martyrium Sisinnii & Sociorum, Tillemontius Tom. X. monumentorum Historiæ Ecclesiasticæ Nota IV. in Vitam S. Vigiliæ, Pagius in Critica Baronii Tom. II. ad an. CCCC. §. II., & alii. Refragatur ta-

men Natalis Alexander in Synopsi Histor. Eccles. Sæc. V. Cap. I., eaque de causa Baronium etiam arguit. Tota ejus ratio in eo posita est, quod Gennadius de Vigilio dicat, ipsum scripsisse *ad Simplicianum quendam*; ex quo infert alium ibi indicari a Simpliciano Episcopo Mediolanensi, de quo capite præcedenti cum laude meminerat. At nimis infirma est hujusmodi argumentatio. Gennadius, ut videtur, Vigili Epistolæ non legerat. Demus etiam legisse, compertum tamen non habuit ad eum Simplicianum, de quo capite proxime antecedenti mentionem fecerat, priorem missam esse, ideo *ad quendam* dixit. Non est igitur cur ea de causa a priori sententia recedamus; atque vel ob id saltem parcendum videbatur Baronio, quod is in Annalibus Ecclesiasticis ad an. CCCC. §. II., hæc in hanc rem habeat: *Sed cum (Gennadius) mentionem habens Simpliciani, non dicat eum Mediolanensis Ecclesiæ fuisse Episcopum, sed quendam, quasi incertum ejus nominis virum; revocari posse videtur in dubium, num hic ille sit Simplicianus Antistes successor S. Ambrosii: cum præsertim præcedenti capitulo idem de eodem Mediolanensi Episcopo auctor agat, recensens edita ab eo scripta.* En prævisam a doctissimo Annalium Ecclesiasticorum Parente Critici Galli oppugnationem, quam tamen ille non adeo invictam existimavit, ut ob eam priori conjecturæ valedicendum esse putaret, quam his rationibus fultus probat eodem loco. Primo quod Vigili Epistola in codicibus omnibus inscripta sit, *ad Simplicianum Episcopum*. Secundo quod li-

cet cujus Ecclesiæ Antistes fuerit, minime ex-
 primat, tamen quod eum *Patrem* appellet, cum
 Episcopi collegas *fratres* consueverint nominare;
 non alium quam Simplicianum, longo senio ve-
 nerandum fuisse, facile suspicari liceat: præser-
 tim cum S. Augustinus ipse, jam Episcopus, ad
 eundem Simplicianum scribens libros Quæstio-
 num, eum, licet tunc tantum Presbyterum,
Patrem appellet. Tertio tandem, quod constet
 auctoritate Paullini in Vita S. Ambrosii, horum
 Martyrum reliquias mox Mediolanum fuisse tran-
 slatas. His addi potest, in confesso esse apud
 omnes, inter Ambrosium, Simpliciani, de quo
 loquimur, alumnum, ac in Episcopatu anteces-
 sorem, & Vigilium, mutuum intercessisse litte-
 rarum officium. Huic Alexandri errato faciem
 fortasse prætulit Philippus Labbæus in Disserta-
 tione de Scriptoribus Ecclesiasticis, in Vigilio
 Tapfensi, qui ob id etiam non quidem Baro-
 nium, sed Miræum *audacie* insinuat; quasi ve-
 ro Miræus omnium primus opinionem illam in-
 vexerit, aut eam attingendo, inauditum faci-
 nus perpetraverit.

XXXVII. Tradit eodem loco Alexander, Baro-
 nium hac in parte secutus, Martyres Anaunienses
 ann. CCCC. trucidatos fuisse, quod rustici vallis
 Anauniæ iniquo animo ferrent Idolorum eversio-
 nem Honorii Imperatoris edicto ubique factam.
 Quod duplici ex capite falsum est. Non enim
 ann. CCCC., sed ann. CCCXCVII. passi sunt tres
 Martyres Anaunienses, ut viri eruditi probant
 ex his Vigilius verbis: *Dies passionis IV. Kal. Junias,*
feria VI.; quæ Epochæ cum alio anno conciliari

nequit. Ex quo error alter manavit, quod scilicet a rusticis necati fuerint, ægre ferentibus idolorum everfionem ab Honorio imperatam; cum Honorii edicta, quibus idola everti jussit, & sacrificia prohibuit, anno CCCXCVII. nondum lata essent, ut ex Baronio in Annal. Eccles. ad an. CCCXCIX. §. LIV., & Dionysio Gothofredo in Notis ad Codicem Theodosianum, colligitur, ad annum CCCXCIX. ea referentibus. Ad illas Honorii sanctiones alludere videtur S. Maximus Taurinensis Episcopus in Serm. II. de S. Alexandro, inter Anecdota CL. Muratorii Tom. IV. pag. 75., ubi hæc leguntur: *Quoties mandavit Deus idolorum sacrilegia destruenda, & nunquam ad hanc partem solliciti esse volumus? Semper dissimulavimus, semper sprevimus. Postea nos admonuit Imperiale præceptum. Videte quanta divinitatis sit derogatio hæc humanæ potestatis adjectio.* Non tamen ea de causa Paganos vallis Anauniæ in tres illos sanctos viros furore percitos fuisse vel leviter indicat; sed, ut habetur Serm. I. de eodem S. Martyre, quod ejus regionis homines, apud quos Christianum nomen cognitum antea non fuisset, adsueto sacrilegio, quod Lustrum dicunt, loca vellent universa pollueri, ac sancti viri arguerent eos, erroresque eorum manifestanter rationabili castigatione convincerent Hæc tota causa passionis est, propter quam morti addicti sancti viri cursui (lege sui) similes esse ceteros hortarentur. Quod cum iis plane consentit, quæ in ipsorum Actis leguntur. Quare si inter Anaunienfes Martyres, & Honorii constitutiones aliquid interesse velimus, dicendum potius esset,

esset, Christianum Principem trium Martyrum nece commotum, fama scilicet tanti facinoris omnium auribus perstreptentibus, ac facti immanitatem Christianis omnibus execrantibus, ad leges illas ferendas compulsus fuisse, quibus in delinquentes capitali poena animadverti iussit.

XXXVIII. Ait idem S. Præsul Serm. I., tres illos Martyres suis temporibus passos esse: se, & auditores suos *conscientia propria illos novisse*, atque *oculorum contemplatione ipsorum supplicia cognovisse*; de Honorii vero edicto, ut de re proxime elapsa, sermonem ad populum habens, ipse loquitur: ex quibus legitime inferri posse videtur, eum Episcopalem sedem tenuisse jam inde ab anno Æræ Christianæ CCCXCIX., aut certe non multo post. At si ita sit, qui fieri potuit, ut Romanæ Synodo sub Hilario Papa anno CCCCLXV. celebratæ interfuerit? Nonne fidem omnem excedere videtur, S. Maximum LXX. circiter annos in Episcopatu transigisse? Adde in Mediolanensi Synodo sub Eusebio anno Æræ Vulgaris CCCCLII. non primo loco post Metropolitanum, sed septimum dumtaxat subscripsisse, ex quo colligitur, sex eo anno illius provinciæ Præsules ipsum ætate antecessisse. Hic enim mos antiquitus obtinuit, ut etiam Baronius non uno in loco monuit in Annalibus Ecclesiasticis, ut non solum prærogativæ, sed temporis quo quisque Episcoporum sedere cœpit, habita sit ratio; adeo ut qui plures annos ageret in Episcopatu, vel Ar-

chiepiscopatu, priorem sibi in Synodis locum vendicaret, etiam si alioqui dignitate sedis esset inferior. Ut hæc inter se concilientur, suspicari ne possumus laudatos Sermones duos non esse S. Maximi Taurinensis Episcopi? Vel potius retenta veteri Gennadii lectione, qui eum Honorio & Theodosio juniore imperantibus *obiisse*, non *floruisse* tradit, ut codices omnes MSS. & editi ante Miræum testantur; conjiciendum est, alium esse ab isto Maximo eum, qui Romano Concilio interfuit? At Taurinenses tabulæ duos Maximos minime agnoscunt. Forte loca paulo ante a nobis allata, commode eam interpretationem pati possunt, ut S. Episcopus de visis se puero, & a senioribus suæ Ecclesiæ loquatur. Certe idem Maximus (si tamen ejusdem auctoris sint Sermones omnes a CL. Muratorio editi, ut stili similitudo evincere videtur) Serm. IV., qui est in Pascha, Eutychianorum hæresim, quæ anno dumtaxat Æræ Vulgaris CCCCXLVIII. exorta est, sibi notam fuisse indicat, cum de Dei Filio ait: *Salva enim divinæ proprietate naturæ, naturam in se suscepit humanam, non facta (nota) confusione, sed unitione perfectæ.* Neque mirum videri debet, scriptorem, qui Honorio imperante floruerit, Romanæ Synodo anni CCCCLXV. subscribentem invenire, quod Honorius anno CCCCXXIII. decesserit. Demus enim hoc ipso anno quadragesimum circiter ætatis annum numerasse Maximum: cum vero Synodo Romanæ subscripsit, octuagenarium plus minus fuisse, & florentem sub Honorio habebimus,

bimus, & adhuc in vivis anno CCCCLXV. Sed ne longius quam par est ab incepto digrediamur, nodum hunc eruditis Taurinensibus solvendum relinquimus; ad quos pariter spectat S. illius Episcopi opera hactenus confusa ac dispersa in unum tandem corpus colligere, absolutamque eorundem editionem procurare.

XXXIX. Quinque librorum *contra Nestorium & Euthychem* auctorem non esse S. Vigilium Tridentinum, post Baronium, & Bellarminum, evidetur a multis ostensum est. Huic errori ansam præbuisse videtur Honorius Augustodunensis Lib. II. Cap. XXXVII. de Luminaribus Ecclesiæ, qui quamvis alioquin Gennadium transcribat, tamen hoc loco rem mire pervertit, ait enim: *Vigilius Episcopus scripsit ad Simplicianum in laudem Martyrum libros quinque*. Confundens nempe argumentum Epistolarum Vigilii Tridentini cum numero librorum contra Eutychem alterius cujusdam Vigilii. Editi porro sunt hi libri nomine S. Vigilii Tridentini Episcopi & Martyris a Churterio, & in veteribus Bibliothecis Patrum; quod Pincius avidissime arripuit, multisque verbis in eorum laudes excurret sub finem libri primi. Neque tamen solus Pincius hunc errorem secutus est, sed Lippelous etiam, Haraeus, & Leuchtius, Surii breviores: item Galestinus in suo Martyrologio ad diem XXXI. Januarii, Lipomanus Tom. II. pag. 151. & alii; qui ut putidum anachronismum caverent (multo enim post Honorii tempora, quo imperante Vigilius noster floruit, cum Eutychiana, tum

Nestoriana hæresis sunt exortæ) eum sub Anastasio Imperatore occubuisse commentum sunt. Ceterum Baronius in Notis ad Martyrol. XXVI. Junii, tres Vigiliis memoravit, qui auctores haberi possint eorum librorum contra Nestorium & Eutychem, Vigilium scilicet Brixientem, Vigilium Africanum Episcopum Tapsensem, & Vigilium Lactorem, qui Concilio Agathensi in Gallia subscripsit. In Annalibus vero ad an. CCCC. §. XVIII. quartum addidit Vigilium, hoc est Vigilium Diaconum, de quo Gennadius in Lib. de Viris Illustribus Cap. LI. Ex quo Critici in partes diversas abjere. Verisimilior tamen sententia est, ejus operis auctorem esse Vigilium Tapsensem; circa quæ videndus Chiffletius in Vindiciis Operum Vigilii Tapsensis. Baronii tum Annales, tum Notas in Martyrologium Romanum properantius percurrisse videtur Franciscus Maria de Aste Archiepiscopus Hydruntinus, qui in suis ad idem Martyrologium Animadversionibus die XXVI. Junii, scribere non dubitavit, *Baronium Vigilio Tridentino tribuisse libros V. adversus Eutychem*. Quam immerito id affingatur Annalium Ecclesiasticorum Parenti, ex his quæ retulimus, satis constat. Non minus turpiter alucinatus est de Aste asserens eodem loco, Pagium in Critica Baronii Tom. II. ad an. CCCC. §. III. in ea sententia esse, ut *Stiliconis Consulatus*, qui in S. Vigili Tridentini Actis notatur, addititius prorsus sit. Eo enim loco non de Vigili Actis loquitur doctissimus ille scriptor, sed de Actis trium

Mar-

Martyrum Anauniensium apud Mombrinium , & alios, in quibus dicitur, eos morti traditos *Consule Stilicone*: tantumque abest, ut Stiliconis Consulatus in Vigilii Actis signatus, addititius a Pagio pronuntietur, ut potius ex his in Acta Martyrum Anauniensium perperam irrepsisse coniciat loco ab ipsomet de Aste laudato. Vincentius Placcius in libro de Scriptoribus Pseudonymis in Vigilio Martyre, ait libros quinque contra Eutychem a multis etiam Gelasio Romano Pontifici tributos fuisse. At fallitur Vir eruditus, quæstionemque aliam, quæ cum hac nihil commune habet, simul confundit, eam nempe, quæ inter eruditos versatur circa librum *de duabus in Christo naturis contra Nestorium, & Eutychem*, quem alii Gelasio Romano Pontifici, alii Gelasio Cyziceno Cæsareæ in Palæstina Episcopo tribuunt. Huic Placcii errori facem prætulisse videtur Joannes Dallæus, quem laudat eodem loco.

XL. Ceterum quamvis martyrio potius, quam scriptis contra Nestorium, & Eutychem libris celebris sit Vigilius noster, non tamen e scriptorum albo prorsus est expungendus, tum quod Gennadius, & Honorius, veteres auctores, in libris de Scriptoribus Ecclesiasticis eum non omittere censuerint, tum etiam quod duæ ejus Epistolæ, altera ad Simplicianum Episcopum, altera ad Joannem Constantinopolitanum sincera ac genuina Sisinnii & Sociorum Acta contineant; trium scilicet Martyrum, quorum nomen celebratissimum est in Ecclesia, & apud
veteres

veteres Patres, nempe Augustinum Ep. CXXXIX. ad Marcellinum, Paullinum in Vita S. Ambrosii, S. Gaudentium Episcopum Brixientem Serm. XVII., præsertim vero S. Maximum Taurinentem Episcopum supra laudatum, qui de illis duos integros ad populum Sermones habuit. Quare mirandum est, Natalem Alexandrum, diligentem ceteroquin scriptorem, nullam illius mentionem fecisse inter Ecclesiasticos Scriptores quarti, aut quinti sæculi. Petrus de Natalibus Episcopus Equilinus in Catalogo Sanctorum Lib. VI. Cap. X. tres Vigili Epistolas commemorat, distinguens nempe eam, quæ est ad Joannem Chrysostomum a binis illis a Gennadio laudatis, ita enim de eo loquitur: *Hic ad Simplicianum quendam in laudem Martyrum scripsit Librum. Item Epistolam eorum gesta supplicia, & funera suo tempore apud Barbaros continentem. Item ad Joannem Chrysostomum Epistolam prædictorum Martyrum Sisinnii, Martyrii, & Alexandri passionem explicantem.* At quæ fides habenda sit scriptori XIV. sæculi, quove fundamento id asseruerit, minime video. Gennadii verba, qui per *libellum ad Simplicianum* nil aliud intellexit quam Epistolam ad eundem, de prolixiore quodam tractatu ab eo interpretata fuisse videntur: cumque aliunde sibi notæ essent duæ Vigili Epistolæ, perperam tertiam invexit ad Jo. Chrysostomum, quæ una eademque est cum secunda a Gennadio memorata.

XLI. Diximus superius S. Vigili Tridentini Acta a nobis sæpius laudata, unicum esse antiqui.

antiquitatis monumentum, ex quo illius gesta
 colligi possint; quamquam nos non prætereat
 in Martyrologiis Adonis, Bedæ, quod a Flo-
 ro auctum est, Ufuardi, Notkeri, in Romano
 Veteri, seu Parvo, ut eum Sollerius vocat, a
 Rosweydo edito, & in Romano hodierno de
 eo mentionem fieri. Quippe tam pauca sunt,
 quæ in illis commemorantur, ut si aliunde lux
 non affulgeat, res a Vigilio gestæ densis tene-
 bris obvolvantur. Animadversione tamen di-
 gnum est, quod legitur in Martyrologio Bedæ,
 a Floro ut videtur additum: *Cum hic quoddam
 Idolum in quodam loco confregisset, in ejus Idoli basi
 residens, & verbum divinum prædicans, ab incolis lo-
 ci illius &c.* Quod sumtum videtur ex Actis ip-
 sis Cap. II. §. VIII. ubi hæc habentur: *Ac resi-
 dens super basim simulacri minutati, circumstantibus
 fidenter loquebatur verbum Dei.* Ex quo illorum
 vetustatem dignoscere licet, cum Florus ille an-
 te Ufuardum IX. sæculi scriptorem vixerit. Ad-
 dendum hic, non parum ad Acta Vigiliæ illu-
 stranda conferre posse S. Ambrosii Epistolam
 olim XXIV. Lib. III., nunc XIX. Class. I., quæ
 ad Vigilium Tridentinum data est; ex qua in-
 telligitur quinam fuerit ea tempestate Triden-
 tinæ diocæseos status atque conditio. Inter
 opuscula S. Cypriano perperam attributa legi-
 tur *Celsi Epistola ad Vigilum Episcopum*, quæ ni-
 hil est aliud, quam Præfatio quædam, seu Epi-
 stola nuncupatoria Celsi cujusdam senis Chri-
 stiani in *Altercationem Jasonis & Papisci*, quod
 opus ex Græco in Latinum transfulerat, &

Vigilio Episcopo nuncupaverat. Possumus ne suspicari hunc fuisse Vigilium Episcopum Tridentinum? Equidem Jacobus Pamelius, & Natalis Alexander in Synopsi Histor. Eccles. III. sæculi Cap. IV. Art. IV. §. X. prorsus verisimile id esse duxerunt. At opponit Maurinus editor Operum S. Cypriani in ejusdem S. Martyris Vita Cap. XXXVI. Vigilio Tridentino id convenire non posse, quandoquidem Celsus Vigilio suo de futuro martyrio gratulatur, eumque ait Dei judicio Martyrem destinatum fuisse, cum mira quadam ratione Episcopus est constitutus: sæculo autem quarto exeunte in summa Ecclesiæ pace viventem Tridentinum Vigilium nemo spe, & expectatione Martyrem dicere potuit. Quod pariter in causa fuit, cur Guillelmus Caveus in Historia Litteraria Scriptorum Ecclesiast. vigentibus adhuc persecutionum temporibus, & ante susceptam ab Imperatoribus fidem Christianam, Celsum illum vixisse, & scripsisse censuerit.

XLII. At nihil id prorsus videbitur ei, qui in memoriam revocet, quæ a nobis de Martyribus Anauniensibus, & de ipso S. Vigilio Tridentino Episcopo superius dicta sunt. Ex iis enim satis superque constat, etiam in summa Ecclesiæ pace, ipsi tamen cum Ecclesiæ hostibus conflictandum fuisse. *Pacis ergo tempore* (inquit 4. Maximus de Martyribus Anauniensibus loquens Serm. II.) *quo nullus Rex persecutor urget, Sanctos viros Martyres fecit non publica persecutio, sed religiosa devotio; qua nempe compellebantur*

bantur Gentilium rusticorum, inter quos degabant, nefarias superstitiones execrari, atque oppugnare. S. Ambrosius in Epistola paullo ante laudata, hoc unum inculcat, ne scilicet Vigilius noster permetteret, ut sui Christiani cum Gentilibus matrimonia jungerent, quo *plane significatur*, ut recte Baronius ait, *Gentilibus hominibus ejus confertam fuisse diœcesim*. Ejusdem S. Vigiliî ætate nullam fuisse in ipsa urbe Tridentina sacram ædem, quod cives maximam partem Gentiles adhuc essent, superius ex Actis collegimus. Testantur denique eadem Acta, Anauniam regionem a S. Vigilio ad Christum conversam, primamque in ea Ecclesiam ab eodem fundatam fuisse. Nihil igitur mirum est, si Celsus ille, qui Tridentinæ diœceseos conditionem optime noverat, de futuro martyrio Vigilio est gratulatus; quod omen minime vanum fuisse, exitus comprobavit. Id ab insolita ejus ac repentina ad Episcopatum electione portendi affirmat auctor ille his verbis: *Non autem putaveris martyrii tibi, secundum præsens votum fidei, gloriam tribui. Tunc inde felicitatis hujus collata dignatio est: tunc iudicio justo Dominus elegit destinatum Martyrem, cum te exemptum de justorum grege, atque assumptum sibi, de inopinato constituit altari suo Sacerdotem*. Huic simile aliquid legitur apud Pontium Diaconum in Vita S. Cypriani, qui pariter fuit in Ecclesiæ pace ad Episcopatum evectus. *Quo tunc ardore*, ait S. V., *plebs assuans fluctuabat, spiritali desiderio concupiscens, ut exitus docuit, non tantum Episcopum; in eo enim quem*

quem tunc latenti divinitatis praesagio taliter flagitabat, non solummodo Sacerdotem, sed & futurum etiam Martyrem requirebat. Ceterum praeter martyrii augurium, alia quoque sunt in ea Celsi ad Vigilium Epistola, quae Vigilio Tridentino apprimè convenient. Convenit enim primo, quod Celsus interpretationem suam dicare se affirmet Sacerdoti utriusque linguae instructione fundato, cum Vigilius, ut ex Actis liquet Cap. I. §. I., *Athenis liberalibus litteris eruditus fuerit*. Convenit secundo, quod Celsus celebri fama sanctimoniae Vigilii, ex altera parte provinciae Tridentum perductus fuerit: siquidem in ejus Actis legitur Cap. I. §. II. *Cujus etiam (Vigilii) opinio per vicinas civitates efflorebat; praesertim cum constet alios quoque Vigilii fama percitos, ad eum sese recepisse, ut Sisinnius, Martyrius, & Alexander, Viri (ut in memoratis Actis habetur §. IV.) natione Cappadoces, de transmarinis qui adventantes partibus, aliquantum temporis Mediolani demorati fuerant; deinde audita Vigilii virtute, ut Pincii verbis utar, Tridentum ad eum sese contulerunt*. Convenit tandem, quod Celsus Vigilium suum de inopinato Sacerdotem constitutum fuisse dicit, post transmarinam peregrinationem ad destinatum sibi munus, ignarum ac nescium repente venisse, dimicantem enim plebe quem potius eligeret Episcopum, quarenti populo suo, Christum eum inopinatum repente obtulisse; ita ut prius se in Ecclesia Dei Episcopum stare conspiceret, & stupefieret, quam venisse dignosceretur; quippe in Vigilii nostri Actis haec leguntur Cap. I. §. I. *Reversus itaque*

itaque a studiis ab Athenis..... Existens circiter annorum viginti, clamor populi in eum irruit..... Illo autem excusationem ætatis, atque juventutis suæ opponente, quanto magis se accusabat, tanto clamoribus vulgi attollebatur. Quid, quod Vigilius ipse testis est, se ad Episcopalem sed non satis idoneum, atque imparatum assumptum fuisse? Certe id ex Ambrosii Epistola aperte liquet, cuius hoc est initium: *Poposcisti a me institutionis tuæ insignia, quoniam novus accitus es ad Sacerdotium*. Ita enim interpretor ego vocem illam *novus*, quæ eadem propemodum significatione usurpatur a Pontio Diacono, loco supra a nobis laudato, ubi de S. Cypriano ait: *Ad probationem bonorum operum, solum hoc arbitror satis esse, quod iudicio Dei, & plebis favore, ad officium Sacerdotii & Episcopatus gradum adhuc neophytus, & ut putabatur, novellus electus est*.

XLIII. Neque cuiquam mirum videri debet, aut a disciplina illorum temporum prorsus alienum, Vigilium adeo tenera ætate ad Episcopatus dignitatem evectum fuisse. Quamquam enim receptus Ecclesiæ mos ferret, ut Episcopi non nisi matura ætate eligerentur, tamen aliquando ob excellentem pietatis ac doctrinæ famam, etiam juvenibus datus est locus, quod exemplis Gregorii Thaumaturgi, & Athenodori confirmari potest, qui, ut tradit Eusebius Lib. VI. Cap. XXX. Historiæ Ecclesiasticæ admodum *juvenes Ecclesiarum in Ponto Episcopi fuerunt constituti*: Gaudentii præterea Brixientis Episcopi, Vigilii nostri cœtanei, qui in Serm. de Ordinatione sui,

fui, ait se *etatis ipsius immatura ad Sacerdotii dignitatem pudore deterritum* fuisse; præcipue vero Remigii, qui duos dumtaxat supra viginti annos numerabat, quando Remensis Ecclesiæ Episcopus est electus, ut tradit Flodoardus Lib.I. Cap.XI. Historiæ Remensis. Quam in rem vide quæ in laudatum Sermonem S. Gaudentii adnotavit V. CL. Paullus Galeardus, Canonicus Brixienfis, cui elegantissimam, Notisque luculentissimis instructam debemus Operum illius S. Episcopi editionem. Hæc a nobis ideo adnotata sunt, ut Tillemontio credibilior redderetur Vigilii nostri circa vigesimum ætatis annum consecratio, cum is Tom.X. Monumentorum Ecclesiasticæ Historiæ Nota I. in Vitam ejusdem Antistitis, nullam quod ad hanc rem attinet Actis illius fidem se habere profiteatur. Minus incredibile videatur, Vigilium alienigenam & peregrinum, neque ex proprio Clero a Tridentinis Episcopum electum. Idem a Veronensibus præstitum erga S. Zenonem, qui Africanum fuisse probabile admodum est. Circa eadem tempora Fortunatianum Aquilejensem Episcopum Afrum fuisse Hieronymus testatur. Donatus itidem Afer Mediolanensis Ecclesiæ Presbyter fuit post Ambrosii obitum, ut ex Paullino in hujus Vita §. LIV. discimus. Animadversionem hanc eruditissimis Ballerinis Fratribus debemus in Prolegomenis Zenonianis Dissert. III. Cap. I. §. I. quo loco scire ab ipsis adnotatum fuit, per id tempus Episcopos ex alienis provinciis dari solitos, quod Vigilii nostri electione confirmatur.

XLIV. Sub Stiliconis Consularu passum esse S. Vigilium Tridentinum testantur ad unum omnes, in primis vero Acta Cap. II. §. XIII. Sed cum Fasti Consulares duos Stiliconis Consulatus memorent, primum qui in annum sæcularem CCCC., secundum vero qui in annum CCCC.V. incidit, dubium est inter eruditos ad quem referri debeat Vigilii obitus. Cum tamen in iis non legatur, Stilicone II., verisimilius duxerim cum Papebrochio, Vigilium anno sæculari passum esse; præsertim cum nulla causa sit, cur ea mors usque ad annum CCCC.V. differatur. Quot annos in Episcopatu egerit, quove ætatis anno martyrio coronatus fuerit, difficillimum est definire. V. CL. Joannes Mabilonius in Præf. in Sæcul. V. Benedictinum §. XCIII., testatur codicem MS. perantiquum sibi a CL. Obrechtio ostensum fuisse, in quo Vigilii Acta continebantur, *quæ bonæ notæ sibi viderentur*. In his autem sub finem hæc de Vigilio: *Qui egit Episcopatum in urbe Tridentina XII. annos, Stilicone Consule*. Si nullus his verbis error subsit, cum ex Actis constet, vicenarium ad Episcopatum assumptum fuisse, fidenter pronuntiare possemus duos supra triginta annos numerasse Vigilium, quando pro Christo sanguinem fudit, duodecim nempe annis additis ad eos, quos numerabat cum Episcopalem sedem obtinuit. Ex quo pariter an. CCCLXXXVIII. Episcopum creatum fuisse concludi posset, si quidem anno CCCC. eum passum dicamus. Acta Vigiliana a Fætio edita, narrant eum

annos XX. in Episcopatu transegiſſe, quæ ſecuti videntur Surii breviores Lippelous, & Leuchtius, aliique. Id ſi aliquo fundamento niteretur, cum Vigilius, ut diximus, anno XX. ætatis ſuæ fuerit ad Episcopatum evectus; & aliunde conſtet Abundantium ſaltem uſque ad annum CCCLXXXI. eam ſedem tenuiſſe (interfuit enim eo anno Aquilejenſi Synodo) dicendum eſſet, Vigilium non primo, ſed ſecundo Stiliconis Conſulatu obiiſſe, anno videlicet ætatis ſuæ XL.: Abundantium autem uſque ad annum CCCLXXXV. Tridentinæ Eccleſiæ præſuiſſe, quo anno S. Vigilius ei fuerit ſucceſſus. Pincius cum neutra harum opinio-num conſentit, quippe qui initio Lib. I. ait Vigilium anno Æræ Chriſtianæ CCCLXXXIII. Aſterio ſucceſſiſſe; quo poſito fundamento, decem & ſeptem Episcopatus anni ei tribuuntur ſi primo Stiliconis Conſulatu occubiſſe dicatur, duo vero & viginti ſi ſecundo. In hac tamen re Obrechtinis Actis, utpote vetuſtioribus adhærendum eſſe putaverim, cum certiffimum ſit ea, quæ Færius edidit, eo præcipue loco, turpiſſime interpolata fuiſſe. Ex his omnibus liquet, Nourrii calculos ad Ambroſii Epist. XIX. minus certos eſſe. Cum enim prima Epistolæ illius verba indicare videantur datam eam eſſe ſtatim poſt Vigilii Tridentini ordinationem: viginti vero annos in Episcopatu Vigilio tribuat Nourrius, paſſumque ſtatuat ſecundo Stiliconis Conſulatu; inde tutum ſibi inferre exiſtimat in annum CCCLXXXV. ejuſdem Præſulis ordina-

dinationem incidisse, proindeque Epistolam multo ante annum CCCLXXXVIII. ab Ambrosio scriptam fuisse, quod tamen penitus corrui. Neque me movet, quod idem doctissimus Vir e vestigio subdit, Tridentinum Episcopum a Mediolanensi in ea admoneri, ne pateretur fideles cum infidelibus inire conjugia, quæ ut efficacius prohibeat, multa ex sacris libris affert, præcipue verò historiam Samsonis, quam universam persequitur, prolixiusque exaggerat; nulla interim mentione facta legis a Theodosio eodem anno CCCLXXXVIII. die XXIX. Feb. latæ, qua Christianis ac Judæis inter se matrimonio coeuntibus poena adulterii, hoc est capitalis, indicebatur, quæque proinde tam apta erat ad argumentum, de quo agebat Ambrosius; quare Epistolam illam ante prædictam legem, prædictumque annum scriptam fuisse colligit. Nihil inquam me movet argumentum huiusmodi. Cum Ecclesiastico enim viro agens Ambrosius, Ecclesiasticus & ipse vir, satius duxit, insuper habitis sæcularium Principum iussionibus, sacrarum litterarum testimoniis rem urgere, sententiamque suam comprobare, ne videlicet ad humana placita confugiens, derogare quodammodo videretur Divinarum Scripturarum auctoritati. Ut silentio præteream, promulgatæ legis, adeoque omnibus notæ, supervacaneam videri commemorationem; quod certe in causa esse potuit, cur nulla ab Ambrosio ejusdem facta sit mentio. De die martyrii certius aliquid constitui potest, quod tum Obre-

chtina, tum Fætiana Acta eum passum tradant VI. Kal. Julias; quod non satis advertisse videtur Papebrochius, qui in præmissio Commentario ait: *Diem martyrii Acta nulla exprimunt*. Equidem eo die tum in Martyrologiis, tum in Tridentina Ecclesia Sancti ejusdem Martyris memoria colitur.

XLV. Lapidum imbre a Randenenfibus examinato Vigilio, dum ejus cadaver Tridentum deferretur, Brixienfes vi, atque armis obviam esse factos, ut sacratissimum ejus corpus eriperent, tradunt Acta Cap. II. §. X. *Quibus Tridentini reluctantes, dato insuper pro benedictione quodam vase, sancti viri corpus sanctissimum deducentes &c. Pro redemptione legendum esse, ex his Pincii (qui vetusta hujus Sancti Acta legerat) in hanc rem verbis, primo suspicabar: Quod agre ferentes Tridentini, bello haud pares, consulto agunt, & conveniuntque, & vase argenteo Pontificem suum reddunt. At benedictionis vocabulum pro dono, seu munere hic accipi, mihi magis probatur. Ita Petrus Damiani Lib. II. Epist. XIV. de Presbytero loquens: Avarus & tenax, nunquam benedictionem muliercula, vel ex his quæ ipsa detulerat porrigebat. Qua significatione etiam ab antiquioribus Patribus, ut ab Hieronymo Epist. CXXXII. ad Vitalem, aliisque usurpatur, ad illud Geneleos Cap. XXXIII. v. XI. alludentibus: Suscipe benedictionem, quam attuli tibi; quo loco munusculum intelligitur. In Actis Fætianis Brixienfes a Tridentinis in hoc conflictu vi, non donis repulso fuisse legitur. Scilicet magnam no-*

minis

minis jacturam a Tridentinis fieri existimarunt interpolatores, si ex illo cum Brixiensibus certamine victores non abiissent. Bartholomæus Tridentinus hæc addit in Vita S. Vigili: *Interfectores vero ejus vindicta Dei in tantum est profecta, ut cunctis fierent odiosi; ita ut usque hodie apud Bergamum, ubi ejus Ecclesia in monte juxta Castrum sita est, Episcopus benedictionem aliquibus subtrahat, eo quod ex interfectorum prosapia fuisse referantur.* Quæ in quædam Vigili Acta irreperunt. Martinus Antonius Guerrinus Canonicus Bergomensis in *Synopsi rerum, & temporum Ecclesiæ Bergomensis* pag. 17. fidenter sane hæc ad fabulas relegat. Scilicet quod Bergomensibus suis minus faverent. Nullum enim ab eo argumentum ibi adducitur, cur ea conficta habeantur: nam quod Papebrochius Acta Coloniensia, quibus pannus ille assutus fuit, minus sincera pronuntiet, id quidem Actorum illorum fidei, nequaquam vero Bartholomæi nostri (ex quo uno ea notitia promanasse videtur) auctoritati derogare potest. Usus hujusmodi hodie Bergomi penitus evanuisse, libenter concesserim. At Bartholomæo Tridentino vivente, & scribente, minime obtinuisse; atque adeo Scriptorem nostrum tam turpiter mentitum esse, de re præsertim, cujus palam ab omnibus falsi argui poterat, ægre admodum mihi persuaserim.

XLIV. In iisdem Coloniensibus Actis, & præterea apud Bartholomæum, additamentum hujusmodi legitur in fine: *Dum autem S. Vigilius his & aliis miraculis claresceret, Theodosius suæ Ecclesiæ*

clesiæ vallem Lagarinam (Barthol. *Lagarinam*) cum *Ursinico* contulit. Ad quem locum ita Papebrochius: „Prima donatio a Theodosio Imperatore facta esse potest Ecclesiæ Tridentinæ vigente adhuc Vigilio, cum anno CCCXCIV. Theodosius Imp. Mediolani esset, ubi mox anno sequenti obiit. *Vallis* autem *Lagarina* hic appellatur, vulgo *Val di Leder*, ut forte legendum sit *Ladarina*, trans *Sarcam*, & *Benacum*. *Ursinicum* non habent tabulæ, Tot hic errata sunt, quot sententiæ. Primo quidem Theodosii Imperatoris donatio non modo ficta est, sed etiam ridenda. Hospes sit oportet in historia Romana, qui huiusmodi donationes, quibus in alicujus regionis homines jurisdictio tribuitur, a primis illis Imperatoribus factas, pro veris habeat. Satis enim constat morem illum, a Septentrionalibus populis inventum, tam contrarium fuisse Romanorum institutis, quam quod maxime; neque enim Imperatoribus, hoc est Reipublicæ custodibus, facultas erat aliis pro libidine tradendi, quæ in jus potestatemque Populi Romani devenerant: ut prorsus mirandum sit, acutæ naris hominem, adeo facile hæc sibi venditari passum fuisse. *Lagarinam* vallem, cujus Comes Ragilo a Paulo Diacono memoratur Lib. III. Cap. IX. de gestis Langobardorum, in vallem *Ladarinam*, vulgo *Val di Leder*, transformat, perperam prorsus; diversæ enim valles sunt, diversis dominis parentes. Postremo negat *Ursinicum* apparere in Tabulis. At si Magini Italiam vel leviter inspexisset Tab.

XXII. & XXXI. ad lævam Athesis, inter Roboretum & Veronam, villulam invenisset nomine *Offenigo*, quæ eadem est cum *Ursinico* in Actis illis memorato. Sed de his alibi. Intereim moneo ex hoc futili Actorum additamento opinionem in vulgus irrepsisse, Theodosium Imperatorem Tridentinæ Ecclesiæ maximum ornamentum fuisse, primumque qui ejus Præsules jurisdictionum prærogativa insignes voluerit; quæ fabella tum scriptorum calamo, tum etiam picturis celebrata est. Tridenti enim in Castro ubi Princeps residet, sub Theodosii Imp. imagine, quæ ibi una cum veteribus illius Ecclesiæ Episcopis repræsentatur, hujusmodi habetur Inscriptio: THEODOSIUS MAJOR IMP. PRIMUS FUNDATOR ECCLESIAE.

XLVII. Non prius manum de tabula tollam, quam leviter saltem attigero salebrosam quæstionem illam, cui videlicet Metropolitæ, Aquilejensi, an Mediolanensi Tridentina Ecclesia quarto sæculo attribueretur; eo enim inclinante tum Ecclesiæ Mediolanensis sub Ambrosio, tum Aquilejensis sub Valeriano Metropolitici jus emerxisse doctorum virorum sententia est. Si Vigiliæ Acta audiamus, Aquilejensi Metropolitæ subiciebatur Tridentinus Episcopus, in his enim Cap. I. §. II. hæc leguntur: *Post hæc invitatus Episcopus Aquilejensis Ecclesiæ (Valerianus) B. Vigilium extra muros civitatis Tridentinæ, ad eandem sedem gubernandam, consecravit Episcopum.* Nemo enim est qui nesciat Suffraganeorum Episcoporum consecrationem inter Me-

tropolitanorum jura præcipue recenferi. At multa sunt, quæ evincere videntur, Tridentinam Ecclesiam Mediolanensi ea ætate paruisse. Vigilus enim creatus Episcopus, non id per litteras Aquilejensi Antistiti, sed Mediolanensi, hoc est D. Ambrosio, significat, poscitque ab eo *institutionis suæ insignia, quoniam novus accitus fuerat ad Sacerdotium*. Quod patet ex Ambrosii Epistola ad Vigilium Tridentinum: Deinde vero Vigilus ipse Anauniensium Martyrum Sifinii, Martyrii, & Alexandri gloriosam necem Simpliciano in Ambrosii locum successo per litteras statim nuntiat, *Venerabilem Patrem* vocat initio epistolæ, eumque in fine salutat *speciali servitio*: cum tamen in alia ad Jo. Chrysostomum ejusdem argumenti epistola, *Fratrem* dumtaxat, ac *Fratrem carissimum* illum appeller. Ex Paullino item discimus in Vita S. Ambrosii, eorundem Martyrum reliquias ad eundem Simplicianum a Vigilio missas fuisse. Quæ omnia indicio sunt, Tridentinam Ecclesiam S. Vigili ætate nullum agnovisse Metropolitanam præter Mediolanensem; ac Tillemontii opinio inde confirmari posse videtur, qui Tom. X. Monumentorum Historiæ Ecclesiasticæ in Notis ad Vitam S. Vigili suspicatur, aut Mediolanensis Metropolitanæ vices egisse Valerianum, si quidem Vigilium consecravit Episcopum: aut Vigili Acta interpolata fuisse a quopiam, qui sequiori ætate, cum scilicet Tridentina Ecclesia Aquilejensi parebat, floruerit.

XLVIII. Sed argumentis hujusmodi minime
com-

commoveri se passus est V. CL. Bernardus Maria de Rubeis, quominus suo Aquilejensi Metropolitæ Tridentinam Ecclesiam adjudicaret. Hæc enim in hanc rem habet Monumentorum Ecclesiæ Aquilejensis Cap. IX. § VI. „Non a-
 „ deo peremptoria hæc nos argumenta judica-
 „ mus, ut Vigiliæ consecrationem non perege-
 „ rit Valerianus, proprio munere officioque
 „ fungens. Cur enim Ambrosius institutionis
 „ epistolam non scripserit Vigilio, qui eam
 „ postulaverat? *Poposcisti, inquit, a me institu-*
 „ *tionis tue insignia.* Ut peteret autem novus
 „ Episcopus quam optabat institutionem, non
 „ auctoritas Ambrosii ex jure Metropolitico
 „ promanans impellebat, sed fulgentissima san-
 „ ctitatis, & doctrinæ claritas. Cur etiam *Pa-*
 „ *trem* Vigilius non appellaverit Simplicianum,
 „ tametsi veluti Metropolitam suum non co-
 „ leret, in quo nondum Episcopo Ambrosius
 „ ipse *& veteris affectum amicitiae, & quod plus*
 „ *est Paternæ gratiæ amorem recognoscebat,* ut in
 „ ejus legimus Epist. XXXVII. in editione Nour-
 „ riana? Eoque vel magis, quod Ambrosio
 „ successit ipse jam *ævi maturus,* teste Paullino
 „ in ejusdem Ambrosii Vita. Quod vero Sim-
 „ pliciano Metropolitæ Mediolanensi, glorio-
 „ sam Martyrum passionem sollicitus referat,
 „ causam proferunt eorum Acta; ubi legimus,
 „ eos natione *Cappadoces Mediolanum venisse, &*
 „ *ibi cum S. Ambrosio* (decessore Simpliciani) *per*
 „ *aliquot tempus commoratos esse:* ac demum Tri-
 „ dentum profectos, initiatumque Sisinnium a

„ Vigilio *Diaconum*, Martyrium *Lectorem*, &
 „ Alexandrum *Ostiarium*. Par igitur erat, ut
 „ ceriores fierent Mediolanenſes de illorum
 „ paſſione, quos olim habuerant concives.
 „ Hinc etiam ſimili permotus ratione Vigilius
 „ ad Jo. Chryſoſtomum dedit Epistolam, qua
 „ Græcos homines in valle Anaunia (verna-
 „ cule *Val di Non*) in agro Tridentino marty-
 „ rii palma inſignitos, Græciæ notos ac illu-
 „ ſtres redderet. Hæc in utramque partem di-
 „ ſputare libuit, cum deſiniri minime queat,
 „ an Aquilejenſi, an potius Mediolanenſi E-
 „ piſcopo jus Metropolitico hoc ævo in Ec-
 „ cleſiam Tridentinam conveniret.

XLIX. Scrupulum injicere poſſet Aquilejen-
 ſis Synodus anno *Æræ Vulgaris CCCLXXXI.*
 ſub Valeriano Epifcopo congregata, in qua S.
 Ambroſius præſuit, primasque tenuit: ex quo
 inferri poſſe videtur, Aquilejenſem Epifcopum
 non modo tunc temporis nullo Metropolitico
 jure fuiſſe condecoratum, verum etiam Medio-
 lanenſi vel ipſum paruiſſe. At idem doctiſſimus
 Vir tum eodem Cap. IX. §. II. & III. tum Cap.
 XX. §. II. luculenter probat, Concilium illud
 inter Provincialia, quæ ſub uno Provinciæ Me-
 tropolitano habentur, numerari minime poſſe,
 proindeque inter Synodos fere Generales in
 Occidente iis temporibus frequentius convoca-
 tas, locum habere. D. Ambroſium os quidem,
 ac linguam ejusdem Concilii fuiſſe: minime ta-
 men in eo jus Metropolitico exercuiſſe. Tan-
 demque in Valeriano Præſidentia & Metropo-
 liticæ

liticæ auctoritatis indicia apertissima ex ipsis Concilii Actis evidenter comprobari. Quare nihil propemodum obstaret, quominus ejus sententiæ lubens subscriberem, incertum scilicet esse, num Tridentina Ecclesia quarto Æræ Christianæ sæculo Mediolanensi, an Aquilejensi Metropolitæ pareret, nisi illud me vehementer ad opinionem Mediolanensibus faventem inclinaret, quod eodem quarto sæculo Venetiæ Ecclesiæ (in qua provincia Tridentum quoque, ut ex Ptolemæo Lib. III. Cap. I. liquet, continebatur) Mediolanensi Metropolitæ subjiciebantur. Id patet ex Veronensibus, qui in Ecclesiasticis judiciis quotiescumque proprium Præsulem gravabantur, ejusque sententiam declinare volebant, ad Mediolanensem, non ad Aquilejensem Metropolitam confugiebant; ut videre est in causâ Indiciæ virginis Deo dicatæ, de qua S. Ambrosius Epist. V., quam S. Zeno Veronensis Episcopus prius probaverat, propriaque sanctificaverat benedictione. Qua in causâ cum Syagrius Zenonis successor minus prudenter se gessisset, Ambrosius eum reprehendit, consilioque Confacerdotum adhibito, sententiam ipse suam protulit. Nulla porro apparet ratio, cur a communi Ecclesiarum Venetiæ conditione Tridentina ammoveatur. Illud certo constat, circa sæculi V. dimidium Aquilejensi jam subjectum fuisse Tridentinum Episcopum: quod ex eo primum colligitur, quod in Mediolanensi Synodo ab Eulebio ejus urbis Antistite convocata anno CCCCLII., ad quam cun-

cuncti ferme illius Ecclesiae Suffraganei conveniant, nec Tridentinus, nec totius Venetiae Episcopus ullus appareat; ut videre est in Epistola ipsius Eusebii ad Leonem Magnum, quae inter hujus S. Pontificis Opera legitur, quaeque subscriptiones continet Episcoporum omnium, qui ei Concilio interfuerant; Deinde vero ipsemet S. Leo Magnus in Epist. LXXXV. ad Septimum Altinatem Episcopum, ad *Metropolitanum Episcopum provinciae Venetiae* scripta sedirexisse ait. Aquilejensem Antistitem significans; Epist. vero LXXXVI., quae est ad Nicetam Aquilejensem Episcopum in quibusdam codicibus ad *Metropolitanum Venetiae* inscribitur, proindeque Aquilejensi Metropolitanae simul cum ceteris Venetiae Episcopis jam tum subiectum fuisse Tridentinum fatendum est; sub quo etiamnum perseverat. Quare merito exhibilandi, qui inter Salisburgensis Archiepiscopi Suffraganeos insigni alucinatione Tridentinum quoque Episcopum memorant, ut Petrus Bertius Lib. III. Comment. rer. Germanic. in *Salisburgo*, Ludovicus Morerius in *Lexico Historico* in v. *Tridentum*, Scriptor alius Gallicus in libro cui titulus: *Les Souverains du Monde* Tom. I. in Archiep. *Salisburg.*, alique.

L. Hæc sunt, quæ in tanta rerum ac temporum obscuritate de Tridentinae Ecclesiae exordiis, primisque ejusdem Episcopis dicere constitueramus, non receptæ passim opinionis præjudicia secuti, sed re ad historiae regulas, rectæque rationis normam exacta. Neque est, quod

quod quis de Tridentina Ecclesia nos pessime meritos esse clamet, quod tribus ferme sæculis juniorem eam esse, quam vulgo creditur, ostendere conati simus. Ea enim constans mihi ac perpetua sententia fuit, commentitios honores etiam veris officere; infirmitatisque haud leve indicium esse, antiquitatis laudem ex fabulis aucupari. Tolerabile olim ac venia dignum videri potuit infirmis opinionibus adhærere; tum videlicet, cum post diuturnum litterarum silentium bonæ artes coli cœperunt, ac quodammodo balbutire. At nunc in tanta ætatis nostræ luce, fugatis undique insulsis anilibusque commentis, nonne dementiæ prope modum simile videatur veteribus adhuc glandibus delectari? Non eget cuiusquam mendaciis Tridentina Ecclesia ut splendorem suum tueatur, quæ tum Martýrum coronis, tum Præsulum sanctitate atque doctrina, tum etiam vetustate cum reliquis sibi finitimis certare potest: ac videant quæso qua ratione ejus honori consulant, qui ipsius famam atque existimationem ex quorundam fabulatorum deliramentis amplificare nituntur. Mihi certe de illa benemerendi ea ratio nunquam arrisit, neque arridere iis posse unquam judico, qui in eandem injurii, ac contumeliosi esse nolint. Quocirca, quamquam non adeo desipiam, ut existimem, laborem hunc meum omnibus probatum iri, iis tamen pergratum fore confido, qui de veritate potius, quam de antiquitate gloriantur.

*In primos Ecclesiæ Tridentinæ Præsules
ex iis, quæ hætenus disputata sunt,
Divinatio usque ad Agnellum,
iis nominibus retentis, quæ
sunt in Udalriciano
Elencho, utpote
antiquiori.*

JOVINUS (feu) CYRIACUS
ABUNDANTIUS
VIGILIUS
ASPIDUS
SAMBATIUS (Aliis *Lambuccius*, & *Sambucus*)
VALENTINUS
GENIALIS
FIDELIS (Aliis *Felix*)
VALERIUS
PROBUS
MONTANUS
ASTERUS (Aliis *Asterius*)
EUGYPIUS (Aliis *Agippus*, *Regippus*, & *Rugippus*)
QUARTINUS
PEREGRINUS
GRATISMUS (Aliis *Gratiosus*)
ADEODATUS (Aliis græce *Theodorus*, & *Theodotus*.)
AGNELLUS.

F I N I S.


In hac Dissertatione corrigenda.


*In Epist. Dedic. sub finem commentatio, lege com-
mentario. In Conspectu Dissert. §. XLIV. Nou-
rii, lege Nourii. Pag. 2. lin. 23. lege aluci-
natus. Pag. 14. lin. 2. lege cum. Pag. 15. lin. 16.
lege nuncupati. Pag. ead. lin. 25. lege nomina.
Pag. 22. lin. 13. lege partim. Pag. 28. lin. 27.
lege leviter. Pag. 36. lin. 2. lege quave. Pag.
59. lin. 17. lege simavis. Pag. 71. lin. 10.
lege evidenter. Pag. 85. lin. 29. lege XLVI.
Pag. 92. lin. 7. post interfuerant, adde pun-
ctum.*

LIBRI STAMPATI

DA DOMENICO TABAGCO.

- P**rosperi Alpini de Præfagienda Vita & Morte *Ægro-*
tantium. 4. 1735. *Cart. fin.* L. 6. *corfiva*. L. 5:---
 Panegirici fopra li Mifterj di N.S. del P. Ni-
 colò Di Dyone Capuccino 4. 1740. L. 3: 10
 — Sopra li Mifterj della SS. Vergine del
 detto 4. 1735. L. 3: 10
 Quaresimale del P. Du Fay De la Vallà ,
 della Comp. di Gesù. 4. 1741. L. 5:---
 Storia e Ragione d'ogni Poesia di Francesco
 Saverio Quadrio , della Comp. di G. 4. 1739. L. 6:---
 Prerogative e Privilegj della Città di Mefsi-
 na. 4. 1733. L. 4:---
 Il Filalete Dialogo , In dieci giornate . 8. 2.
 vol. 1738. L. 7:---
 Notte Compendiofe fopra le dieci giornate
 del Filalete . 8. 2. vol. L. 2: 10
 Difefa delle Profezie della Relig. Crift. Opera
 del P. Balto della Comp. di G. *contra* Ugone
 Grozio e Ricardo Simon. 8. vol. 3. 1742. L. 6:---
 Cantelio de Romana Republica . 8. fig. 1741. L. 5:---
 Pensiero della Morte. 8. 1743. L. 1: 10
 Lettere di Atromo Trafeomaco Calabrefe. 8.
 1741. L. 1: 10
 Storia delle Rivoluzioni della Polonia. 12.
 vol. 2. 1737. L. 3:---
 — dell'Origine e Progrefso della Falfa Re-
 ligione Proteftante. 12. 1738. L. --- : 15
 Le Favole d'Efopo Volgarizzate in Rime
 Anacreontiche Tofcane da Angiol Maria
 Ricci, col tefto Greco, e Latino. 12. 1737. L. 2:---
 L'Eneide di Virgilio del Comendatore An-
 nibal Caro. 12. fig. 1741. L. 2: 10
 Meditazioni fopra i Vangeli dell'Anno del
 P. Medaille, della Comp. di G. 12. 1739. L. 1: 10
 Elementi della Rettorica dell'Abate Giaco-
 mo Giacometti, 12. 1740. L. ---: 15






~~34.3.~~

29.5

UNIVERSITY OF ILLINOIS-URBANA



3 0112 102171425